

**BOSNA I HERCEGOVINA**  
**Federacija Bosne i Hercegovine**  
**Tuzlanski kanton**  
**OPĆINA GRAČANICA**  
**OPĆINSKO VIJEĆE**

**Broj predmeta:** 01-05-01609-2019  
**Broj akta:** 01EN-001  
Gračanica, 30.4.2019.. godine

**Z A P I S N I K**  
**SA 28. SJEDNICE OPĆINSKOG VIJEĆA GRAČANICA**

Održane dana 29. 03. 2019. godine u sali za sjednice nove zgrade Općine Gračanica sa početkom u 10,00 sati.

Početu sjednice prisustvovalo je 28 članova Općinskog vijeća Gračanica.

Odsutni su bili: Topčagić Mirzet i Puškar Hasan.

Sjednicom je predsjedavao Nihad Krajinović, Predsjedavajući Općinskog vijeća, zajedno sa zamjenikom Devedžić Almedinom i sekretarom Tukulj Dženanom.

Zapisnik vodila Mevlida Naimkadić, a vršilo se i tonsko snimanje sjednice.

Pored članova Općinskog vijeća Gračanica sjednici su prisustvovali i Općinski načelnik Nusret Helić, Općinski pravobranilac Jasminka Imširović, šefovi službi za upravu: Aida Hodžić, Alma Buljubašić, Nihad Sinanović i Mustafa Bajić, direktorica Gimnazije Minka Kurtović, pomoćnik direktora MSS Nukić Fikret, članica Etičke komisije Mersiha Jogunčić, poslanik Federalnog parlamenta Mirsad Čamdžić, Trepanić Mirela poslanik Kantonalne skupštine, izvjestioci: Mirza Hodžić i Erhad Brkić, te predstavnici sredstava informisanja.

Na početku sjednice Predsjedavajući Vijeća je zamolio prisutne da minutom ćutanja ili učenjem Fatihe ili na neki drugi način odaju počast preminulom dobitniku priznanja “Zlatni ljiljan” Habib Hadžić zvani Habibčić.

Isto tako je naglasio da do sada u praksi sjednice Vijeća nisu održavane petkom, kao što je slučaj sa 28. Sjednicom iz opravdanih razloga, tako da će pauza biti od 11,30 do 13,00 sati, a nakon toga će uslijediti nastavak sjednice.

Predsjedavajući Vijeća je ukazao na grešku u zapisniku sa 27. Sjednice, vezano za pitanje koje je kandidovao vijećnik Dino Dedić, te isti dao na raspravu.

Nije bilo učesnika u raspravi i uz ispravku zapisnik sa 27. Sjednice Općinskog vijeća Gračanica usvojen je jednoglasno sa 28 glasova “ZA”.

Nihad Krajinović, Predsjedavajući Vijeća je elaborirao prispjele odgovore na pitanja i inicijative sa ranije sjednice:

Na posljednjoj 27. Sjednici OV Gračanica upućena su 12 pitanja i 19 inicijativa.

Pristigli odgovori su slijedeći :

- Vijećnik **Adnan Muslimović** uputio je inicijativu i pitanje od kojih je odgovor pristigao samo za postavljeno pitanje parkinga između zgrada općine i srednje škole i njegove sanacije. Zbog neusaglašenih podataka pokušava se postići dogovor oko rješenja ovog pitanja, navedeno je u odgovoru nadležne službe.
- **Mirzet Topčagić** uputio je inicijativu da realizaciju projekata dogovorenih u protekloj godini planiraju na samom početku građevinske sezone. U odgovoru nadležne službe rečeno je kako je sa izvođačima dogovoreno da takvi projekti imaju prioritet i da njihova realizacija kreće početkom aprila.
- Na upućene dvije inicijative vijećnika **Ahmata Šakušića** pristigao je odgovor za uklanjanje divlje deponije u Lendićima. Komunalna inspekcija zaprimivši inicijativu odmah je reagovala na način da je konstatovano činjenično stanje i dat nalog preduzeću Komus da istu očisti što je i učinjeno, navodi se u pristiglom odgovoru.
- Vijećnik **Fadil Mešić** inicijativom je predložio izgradnju pješačkog podzemnog prolaza na raskrsnici kod BKC. Preuređenje raskrsnice predviđeno je u obuhvatu Regulacionog plana i Planskom dokumentacijom te se na pronalasku najboljeg rješenja ove raskrsnice trenutno radi a u što spada i rješavanje pješačkih površina, navodi se u odgovoru nadležne općinske službe.
- **Alen Ibrišević** postavio je 1 pitanje i uputio 1 inicijativu na što su stigli odgovori nadležnih. Na pitanje sa koliko projekata je općina Gračanica aplicirala kod IPA fondova odgovoreno je preciznim podacima. Na inicijativu je odgovoreno iz preduzeća Komus koje navodi da će se krupni otpad odvoziti ove godine i iz MZ kako to uslovi dozvoljavaju.
- **Mirsad Hadžić** podnio je dvije inicijative i to sanacije mosta preko rijeke Lukavica na lokaciji „pišće“ za što će se pokrenuti neophodne aktivnosti, te sanaciju potoka u neposrednoj blizini osnovne škole na što je odgovoreno kako su za sanaciju potrebna sredstva koja će se pokušati dobiti od više instance a ako ne projektu će općina zbog trenutne neplaniranih sredstava, pristupiti naredne godine.
- Vijećnik **Saša Operhal** direktorima gradskih osnovnih škola uputio je pitanje koje se odnosi na uslove obavljanja redovne fizičke kulture u zimskom periodu. Odgovor je stigao iz obje osnovne škole gdje je navedeno kako se nastava odvija u skladu sa pedagoškim standardima i opštim normativima a da je grijanje svedeno na minimum samo u toku zimskog raspusta kada nema učenika u sali.
- **Demir Milkić** podnio je 2 inicijative i 1 pitanje. Pristigli odgovori su slijedeći. Na inicijativu dodjele naziva ulice Katica Ivanišević, načelnik prihvata inicijativu koja ulazi u proceduru. Na inicijativu čišćenja djela korita rijeke Sokoluše, odgovorom se navodi kako je projekta i budžetom već planiran. Na pitanje je li izrađen pravilnik sa kriterijima o raspodjeli sredstava za

„biomedicinski potpomognutu oplodnju“ planiranih u budžetu općine za 2019.godine, u odgovoru načelnik općine obavještava kako će isti biti uskoro donesen i objavljen na zvaničnoj web stranici općine.

- Vijećnik **Hasan Puškar** uputio je dvije inicijative na koje su pristigli odgovori, a odnose se na slijedeće. Izvršiti hitnu sanaciju mag.puta M-4 na skretanju za Gornju Miričinu. Inicijativa proslijeđena Federalnoj Direkciji cesta te se od iste očekuje sanacija u što kraćem vremenu, navodi u odgovoru nadležna služba. Druga inicijativa se odnosi na izmjenu općinske Odluke o javnom redu i miru i bezbjednosti saobraćaja. Pokrenute su aktivnosti da se u saradnji sa PU Gračanica analiziraju postojeće odluke i pristupi izmjenama i dopunama postojeće ili prema potrebi izradi potpuno nove Odluke.
- **Osman Sulejmanović** inicirao je JZU Dom zdravlja obezbjeđenje sredstava za specijalizaciju ljekara sportske medicine. Iz ove zdravstvene ustanove odgovoreno je kako su upravo takav od 2016.god nalazi na specijalizaciji koja traje 4.godine. Drugom inicijativom poziva na pokretanje aktivnosti izrade idjenog rješenja raskrsnice kod BKC-a. Odgovor je sličan kao i vijećniku Mešiću da se vode aktivnosti i da će isti projekat biti kandidovan Direkciji cesta TK za 2020.godinu.
- Na 2 pitanja **Edina Šehića** pristigli su odgovori iz poreske uprave i to spisak dužnika kladionica na općini Gračanica, te odgovori iz dvije srednje škole u Gračanici na pitanje o suzbijanju vršnjačkog nasilja.
- Odgovor na pitanje vijećnika **Džeme Jukana** da li je i zašto poništen konkurs za direktora u JP „Vodovod i kanalizacija“ Gračanica precizira razloge poništenja konkursa.
- Odgovor je stigao i na pitanje vijećnika **Nihada Krajinovića** a vezano za sanaciju Sarajevske ulice u kojem je rečeno kako će se učiniti sve da se izvrši sanacije iste u toku godine.
- Na dva pitanja u toku sjednice dati su usmeni odgovori. Na pitanje Dine Dedića za vodnu dozvolu firmi Gikil obavješteni smo da resorno ministarstvo TK nije nadležno za vodne dozvole te je naša služba pitanje prosljedila na drugu adresu.Za ostale, a koji su upućeni na tzv.vanjske adrese nisu pristigli odgovori do sjednice.

## **Nova pitanja i inicijative kandidovali su:**

### **Dedić Dino:**

„Ja za danas imam dva vijećnička pitanja.

Prvo vijećničko pitanje je vezano za izgradnju kružnog toka kod bolnice. A razlog što ga postavljam jeste taj što sam dobio informaciju od građana koji žive u blizini da im je izlaz na put onemogućen i da u koliko se žele uključiti u saobraćaj moraju izaći kroz krug

bolnice. U razgovoru sa njima sam dobio informaciju da su oni čitav slučaj prijavili nadležnim inspekcijama i da planiraju tužiti Opštinu.

Pitanje glasi:

1. Zbog čega se kreulo u realizaciju projekta, a koji prema sada evidentnim i vidljivim činjenicama sa lica mjesta, tj. zatečenim stanjem na gradilištu, oduzima pravo kretanja građanima koji žive u neposrednoj blizini kružnog toka. Naime, SPO koji se nalazi na parceli K.Č. 4366/2, a koji prema urbanističkoj saglasnosti iz 1986.godine, dozvoli za gradnju iz 1987.godine i upotrebnoj dozvoli iz 1996.godine ima pravo ulaza i izlaza na javni put, dok je građenjem kružnog toka uskraćen za izlaz iz jednog pravca kretanja vozila regionalnom cestom, te ulaza i izlaza iz drugog pravca kretanja vozila regionalnom cestom. Zaključuje se da korisnici navedenog SPO: četiri fizička lica, te pravno lice koje obavlja privrednu djelatnost imaju pravo doći do SPO iz pravca centra grada ali ne izaći iz istog niti u jednom pravcu kretanja. Također, oduzeto je isto pravo čestici broj 4366/3 koja se vodi kao privatni pristupni put za navedeni SPO te čestice broj 4366/1 i 4367.

2. Drugo pitanje je zašto se po saznanju za ove nepravilnosti nije odmah reagovalo, te ispravila nanešena nepravda.

3. Treće pitanje je iz kojih finansijskih sredstava će se izmiriti eventualni troškovi sudskog postupka, odštetni zahtjev i ostali nastali troškovi iz tužbenog zahtjeva koji planiraju podnijeti oštećeni, pojedinačno i kolektivno 4 fizička lica i jedno pravno lice za ugrožavanje prometa i izgubljeni finansijski promet protiv odgovornog lica, potpisnika projekta i građevinske dozvole kao i opštinske administracije.

Drugo vijećničko pitanje je iz ekologije i vezano je za zagađenost PAH-ovima i teškim metalima zemljišta uz dolinu rijeke Spreče. Od poplava 2014.godine, kada je došao na Vijeće prvi izvještaj Federalne inspekcije za vode, počeo sam da postavljam pitanja vezana za ovaj problem. U više navrata sam se obraćao nadležnom Ministarstvu TK, Agenciji za vodno područje rijeke Save, Federalnoj inspekciji za vode. Ovo pitanje upućujem na 4 adrese kako bi sa odgovorima mogli da napravimo širu sliku šta je se uradilo po tom pitanju i dokle je se došlo sa rješavanjem istog.

1. Federalnoj inspekciji za vode.

Šta ste vi preduzeli i koje ste uslove postavili za zagađivača da bi se ovaj problem riješio?

2. Ministarstvo poljoprivrede, vodoprivrede i šumarstva TK.

Da li imate tužbi od strane građana sa opštine Gračanica a i drugih koji su uz dolinu rijeke Spreče da im se namjeri šteta koju su im nanijeli. Da li ste vi poduzeli neke aktivnosti kako bi se zabranila privredna proizvodnja na zagađenim lokacijama?

3. Tužilaštvu TK.

Znamo da ste se i vi uključili u ovaj slučaj oko GIKIL-a pa me interesuje dokle se došlo sa tužbom?

4. Agencija za vodno područje rijeke Save.

Postavio sam vam pitanje prije mjesec dana i nisam dobio odgovor pa vas ponovno pitam, ZAŠTO STE IZDALI DOZVOLU GIKILU ako nas i dalje truju?!

### **Osman Sulejmanović:**

„Ja za današnju sjednicu imam dvije inicijative:

Prva je upućena Općinskom načelniku da u najkraćem periodu pokrene aktivnost oko sanacije pješačkih mostova u gradu preko rijeke Sokoluše.

Obrazloženje nije potrebno jer vidljivo je na licu mjesta. Takođe sugerišem da se aktivira i Kantonalna direkcija za puteve za sanaciju ograde na mostu kod tehničkog pregleda „Lido“.

Druga inicijativa:

Upućena je Odboru IVZ-e Gračanica i Općinskom načelniku da zajednički pokrenu aktivnosti za uređenje sale u Starom domu kulture-dershane.

Obrazloženje: Navedena sala se koristi za razne sastanke, predavanja, promocije a svi smo svjedoci stanja u kome se nalazi, pa ako će i dalje služiti za ove namjene trebalo bi je adekvatno opremiti“.

### **Senahid Džebo:**

„Za danas imam jedno vijećničko pitanje.

Upućujem vijećničko pitanje Javnoj zdravstvenoj ustanovi Dom zdravlja Gračanica, a vezano za rad Hitne medicinske službe.

Pitanje glasi:

Da li postoji registrator poziva za građane prilikom pozivanja za hitno medicinsko djelovanje, ako postoji vrši li se analitika izlaska medicinskog osoblja od trenutka poziva do povratka hitne medicinske službe.

Ako ne postoji, predlažem da se uspostavi registrator poziva.

Za ovo pitanje sam ponukan dešavanjima u kojim sam lično prisutan gdje od poziva do izlaska medicinske ekipe prođe vremenski period veći od ½ h, a udaljenost je svega 4 km od sjedišta hitne medicinske službe“.

### **Demir Milkić:**

„Za danas imam jednu inicijativu i jedno pitanje. Inicijativa može ispred Etičke komisije, a ona glasi:

Pristupanje Evropskoj povelji o rodnoj ravnopravnosti na lokalnom nivou.

Obrazloženje:

Pristupanje Evropskoj povelji o rodnoj ravnopravnosti na lokalnom nivou, koja je namijenjena za lokalne i regionalne uprave, u cilju usmjeravanja njihovih snaga i partnerstava ka postizanju veće ravnopravnosti spolova, predstavlja značajan doprinos u ostvarivanju kontinuiteta lokalnih aktivnosti na afirmaciji rodne ravnopravnosti i provođenju Gender akcionog plana. Evropska povelja o rodnoj ravnopravnosti na lokalnom nivou je instrument Vijeća evropskih općina i regiona čijim potpisivanjem se jedinice lokalne samouprave obavezuju da će slijediti principe rodne ravnopravnosti i da će provoditi odredbe propisane Poveljom u svojim sredinama. S obzirom da Općina Gračanica nema usvojeni gender akcioni plan, pristupanje ovoj povelji bi obavezalo prvo izradu i usvajanje GAP a potom i dao mu evropski kontekst.

Općinsko vijeće Gračanica treba da zaduži načelnika Općine Gračanica da, u konsultaciji sa Komisijom za etički kodeks, ravnopravnost spolova, prava i slobode čovjeka, predstavke i pritužbe Općinskog vijeća, pripremi, a zatim predloži Općinskom vijeću Gračanica usvajanje gender akcionog plana 2018-2022., kao i usvajanje Odluke o davanju saglasnosti na Evropsku povelju o rodnoj ravnopravnosti na lokalnom nivou, čiji sastavni dio će biti cjeloviti tekst Evropske povelje o rodnoj ravnopravnosti na lokalnom nivou.

Vijećničko pitanje glasi:

Da li će uskoro doći do realizacije projekta uređenja i sanacije dječije igraonice u gradskom parku?

Obrazloženje:

S obzirom da nam se bliže lijepi dani i početak ljetne sezone, zanima me da li će se urediti dječija igraonica u samom parku, postavljanjem plastične trave kako je to bilo najavljeno.

Napominjem da sam ovu inicijativu za uređenje uputio na samom početku mandata, a poslije pitanjem na istu temu dobio sam odgovor da bi realizacija trebala biti u ovoj godini (2019)“.

### **Muhamed Omerović:**

„Podnosim vijećničku inicijativu da se uz materijale za sjednice Opštinskog vijeća u narednom periodu dostavljaju zvanični obrasci finansijskog izvještavanja, kvartalni odnosno završni kao i bruto bilans i to:

1. Za kvartalni:

|  |                |
|--|----------------|
| -Pregled prihoda, primitaka i finansiranja po ekonomskim kategorijama      | Obrazac broj 1 |
| -Rashodi i izdaci po ekonomskim kategorijama                               | Obrazac broj 2 |
| -Posebni podaci o plaćama i o broju zaposlenih                             | Obrazac broj 3 |
| -Posebni podaci o tekućim i kapitalnim transferima                         | Obrazac broj 4 |
| -Klasifikacija rashoda i izdataka budžeta po vladinim funkcijama           | Obrazac broj 5 |
| -Registar doznaka iz tekuće rezerve budžeta                                | Obrazac broj 6 |
| -Registar neizmirenih obaveza  | Obrazac broj 7 |
| -Pregled prihoda, primitaka, rashoda i izdataka po ekonomskim kategorijama | Obrazac broj 8 |
| -Izvrještaj o namjenskom utrošku sredstava                                 | Obrazac broj 9 |

2. Za godišnji:

|  |              |
|--|--------------|
| -Račun prihoda i rashoda   | Obrazac PR;  |
| -Bilans stanja   | Obrazac BS;  |
| -Izvrještaj o novčanim tokovima  | Obrazac NT;  |
| -Izvrještaj o kapitalnim izdacima i finansiranju                                       | Obrazac KIF; |
| -Posebni podaci o plaćama i broju zaposlenih;  |              |
| -Godišnji izvještaj o izvršenju budžeta  | Obrazac GIB; |
| -Izvrještaj o obračunatoj i uplaćenju naknadi za zaštitu od prirodnih i drugih nesreća | Obrazac ZS;  |
| -Pomoćni obrasci A, B i C  |              |

Zvanični obrasci treba da budu ovjereni potpisom i pečatom certificiranog računovođe, potpisani od strane ovlaštenog predstavnika opštine i ovjereni pečatom opštine.

Obrazloženje:

Obrazloženje za podnošenje ove inicijative pronalazim u odredbama Zakona o budžetima Federacije Bosne i Hercegovine („Sl. novine F BiH“, broj: 102/2013, 9/2014-isp., 13/2014, 8/2015, 91/2015, 102/2015, 104/2016, 5/2018 i 11/2019) i Pravilnika o finansijskom izvještavanju i godišnjem obračunu budžeta u F BiH („Sl. novine F BiH“, br. 69/2014, 14/2015, 4/2016 i 19/2018).

Član 92. stav 1 i 2. Zakona o budžetu Federacije BiH propisuje:

„Općinske i gradske službe za finansije dužne su dostaviti periodične izvještaje općinskom i gradskom vijeću i kantonalnim ministarstvima finansija u roku 20 dana po isteku obračunskog perioda, a za period od 1. januara do 31. decembra do 5. marta tekuće godine“.

**Ahmet Šakušić:**

„Za danas imam dvije inicijative ali bih iskoristio priliku da se prvo zahvalim nadležnoj službi, glavnom inspektoru i firmi Komus, na realizaciji inicijative koju sam predložio na predhodnoj sjednici. I još jednom apelujem svim građanima da prestanu sa bacanjem smeća.

Prvu inicijativu upućujem JU Zavodu za zaštitu i korištenje kulturno-historijskog i prirodnog naslijeđa TK, Vladi Federacije BiH:

Upućujem inicijativu navedenim nadležnim institucijama da pokrenu postupak i obezbijede finansijska sredstva za restauraciju nacionalnog spomenika Donja džamija u MZ Lukavica, Općina Gračanica.

Obrazloženje:

Na općini Gračanica imamo devet nacionalnih spomenika, a trenutno jedan od najugroženijih spomenika je Donja džamija u zaseoku Delići, MZ Lukavica. S obzirom da je

džamija napravljena još za vrijeme austrougarske uprave prema podacima negdje oko 1900. godine, potrebno je izvršiti njenu restauraciju. Povijesna građevina-Donja džamija u selu Lukavica Općina Gračanica proglašena je nacionalnim spomenikom 2005.godine.

Drugu inicijativu upućujem Službi za prostorno uređenje, geodetske i imovinsko pravne poslove, Izvođaču radova „Roading“ d.o.o. Gračanica.

Upućujem inicijativu nadležnoj službi i izvođaču radova da u ulici Braće Fazlića dio puta koji je raskopan saniraju asfaltiranjem.

Obrazloženje:

U pomenutoj ulici su vršeni radovi na rekonstrukciji kanalizacione mreže, te je došlo do raskopavanja asfalta. Nakon završenih radova dionica puta je nasuta kamenom i pojavile su se udarne rupe, što dosta otežava odvijanje saobraćaja. Ulica je izuzetno frekventna teretnim vozilima, pa se na tom dijelu puta saobraća jednom trakom, a dolazi i do mehaničkih oštećenja vozila“.

### **Džananović Mirza:**

„Za danas imam jednu vijećničku inicijativu i jedno pitanje.

Podnosim vijećničku inicijativu za pokretanje postupka utvrđivanja lokacije autobuskih stajališta na magistralnom putu M4 Doboj-Tuzla u ulici Branilaca grada opština Gračanica.

Obrazloženje:

S obzirom da se u dijelu grada na koji se odnosi inicijativa već duže vremena pojavila potreba za uređenjem priključaka na magistralni put sredstava javnog saobraćaja podnosim ovu inicijativu u cilju realizacije iste.

Način na koji sredstva javnog prijevoza odnosno autobusi u gore pomenutom dijelu grada vrše povjerene im djelatnosti obavljanja javnog prijevoza građana ni u jednom segmentu nisu u skladu sa pozitivnim pravnim propisima koji se odnose na uređenje javnog saobraćaja i javnih cesta-puteva, što prije svega ugrožava sigurnost svih učesnika u saobraćaju. Takođe ako uzmemo u obzir statističke podatke JP Ceste F BiH jasno je da su ispunjeni svi uslovi kada je u pitanju broj vozila koji se kreće magistralnom cestom M4 te da postoji opravdana potreba za postavljanjem i uređenjem autobuskih stajališta na pomenutoj lokaciji.

S obzirom kako je navedeno da se pružaoci usluga javnog prijevoza već zaustavljaju na pomenutoj lokaciji, na već ustaljenim mjestima u granicama zaštitnog putnog pojasa i to u smjeru Doboj-Tuzla na parceli označenoj kao k.č. broj 5826 k.o. Gračanica (ispred Bingo tržnog centra), te u smjeru Tuzla-Doboj na parceli označenoj kao k.č. broj 3035 k.o. Donja Lohinja-Pribava (ispred Etna tržnog centra) smatram da ista treba uraditi u skladu sa Zakonom o cestama F BiH i Pravilnikom o minimalnim tehničkim uvjetima za izgradnju i upotrebu autobuskih stajališta. S obzirom da je na osnovu prethodno pomenutih pravnih propisa određeno da nadležni opštinski organ uz saglasnost nadležnog ministarstva unutrašnjih poslova upravitelju cesta (u ovom slučaju to je JP Ceste F BiH) podnosi zahtjev za utvrđivanje lokacije autobuskog stajališta smatram da je potrebno što prije pokrenuti navedene procedure kako bi lokacije koje se već koriste kao autobuska stajališta bile privedene namjeni te stavljene u funkciju građana kako to i sam zakon određuje.

Realizaciju ove inicijative smatram od izuzetne važnosti iz razloga što će ista podići nivo sigurnosti građana u saobraćaju kao i dodatno urbanizovati i urediti saobraćaj na području opštine Gračanica.

U prilogu inicijative dostavljam statističke podatke o kretanju saobraćaja na magistralnom putu M4 Doboj-Tuzla.

Vijećničko pitanje glasi:

S obzirom da nisam dobio odgovor na postavljeno pitanje na sjednici 30.01.2019.godine, a takođe i predstavnici V MZ Pribava nisu dobili termin za sastanak sa Općinskim načelnikom, ponavljam vijećničko pitanje.

Zbog čega predstavnici Vijeća MZ Pribava ne mogu dobiti termin za sastanak sa Općinskim načelnikom?“

### **Adnan Muslimović:**

„Imam dva vijećnička pitanja.

Prvo pitanje glasi:

Kakva je sudbina Doma izviđača na Gaju? Čije je vlasništvo i kada će se početi sa obnavljanjem tog objekta? Po meni, taj objekat bi nakon obnove mogao postati idealan dom za smještaj starijih osoba, što se već odavno sve više nameće kao potreba u ovome gradu i na našoj općini.

Drugo vijećničko pitanje glasi:

Postoji li mogućnost da se učenici naših srednjih škola oslobode plaćanja karti za posjetu predstojećem sajmu Grapos expo 2019, te da im se organizuje obilazak sajma uz pratnju stručnog lica koje bih upoznalo sa mogućnostima i potrebama naše privrede?

### **Mirsad Mujkić:**

„Ja za danas imam jedno vijećničko pitanje upućeno Općinskom načelniku odnosno nadležnim općinskim službama.

Pitanje na molbu jednog dijela građana naselja Ališevići kada je planirano asfaltiranje puteva u naselju Ališevići (Bazen 3).

Obrazloženje:

Građani naselja Ališevići su prilikom kupovine zemljišta od Općine platili sve obaveze kao što su renta, prevode zemljišta sa poljoprivrednog na građevinsko itd. Placevi su kupljeni 2005.godine i kuće izgrađene na njima, a sve do današnjeg dana nije riješeno pitanje infrastrukture odnosno asfaltiranja puteva. Istina, jedan dio riješen, tačnije jedan sokak u naselju, dok građani druga dva sokaka još uvijek čekaju na rješenje problema. Građani su svakodnevno suočeni sa problemima vode koja se sliva, pravi bare po putu, te su primorani da sami nasipaju i uređuju onoliko koliko mogu u ovakvim uslovima“.

### **Fadil Mešić:**

„Ja imam jedno vijećničko pitanje:

Svima nam je poznato da je prvi mart (01.03.) Dan nezavisnosti Bosne i Hercegovine, jedan od najznačajnijih datuma u hiljadugodišnjoj historiji BiH, te da je to Državni praznik kad sve Bosansko-Hercegovačke patriote praznuju.

Imam dvije povjerljive informacije da određene firme na području Općine Gračanica, taj dan redovno rade, čime su uposlenici tih firmi stavljeni u neravnopravan položaj u odnosu na one koji praznuju.

Zatim redovne su pojave neisticanja zastave na taj dan.

Zahtijevam od nadležne Kantonalne uprave za inspekcijske poslove, da provjere koje su to firme i da se prema takvim poduzmu zakonske sankcije“.

### **Edin Ibrišević:**

„Za današnju sjednicu ja imam jednu vijećničku inicijativu.

Inicijativu upućujem Općinskom načelniku, da sa saradnicima, razmotri mogućnost izrade elektronskog registra administrativnih postupaka.

Obrazloženje:

Mislim da bi formiranje elektronskog registra administrativnih postupaka doprinijelo jačanju poslovnog ambijenta u Gračanici kroz smanjenje troškova poslovanja, pojednostavljenje administrativnih procedura, povećanje konkurentnosti lokalne zajednice te bi se omogućio transparentan način da građani dođu do neophodnih informacija vezanih za

pokretanje administrativnih postupaka koji se svakodnevno provode. Primjenom elektronskog registra administrativnih postupaka bi se poboljšalo poslovno okruženje, zatim povećala efikasnost administracije, putem skraćivanja rokova i smanjivanja koraka u rješavanju predmeta. Napominjem da je veći broj opština u BiH, izradio ovaj registar.

Iskustva su vrlo pozitivna i pokazala se efikasna u radu“.

### **Alen Ibrišević:**

„Za današnju sjednicu ja imam jedno vijećničko pitanje i jednu vijećničku inicijativu.

Vijećničko pitanje upućujem Općinskom načelniku, da li je uputio apelaciju Ustavnom sudu BiH vezano za ocjenu ustavnosti prelaska Opće bolnice „dr. Mustafa Beganović“, sa općinskog na kantonalni nivo.

Obrazloženje:

Prije nekoliko mjeseci na sastanku kod Općinskog načelnika kojem su prisustvovali predstavnici svih stranaka koje participiraju u Općinskom vijeću Gračanica, donesen je zaključak da će Načelnik da uputi apelaciju Ustavnom sudu BiH vezano za ocjenu ustavnosti prelaska Opće bolnice „dr. Mustafa Beganović“, sa općinskog na kantonalni nivo. Pošto je prošlo nekoliko mjeseci od toga sastanka interesuje me da li je načelnik poduzeo aktivnosti po ovom pitanju, te tražim odgovor.

Vijećničku inicijativu upućujem prema preduzeću „ORVI Komerc“, da se na parkinzima kojim upravlja ovo preduzeće, omogući besplatno dvočasno parkiranje, dobrovoljnim davaocima krvi koji imaju više od 20 davanja krvi.

Obrazloženje:

Novim Zakonom o radu koji je donesen 2016. godine ukinuta je odredba da se dobrovoljnim davaocima krvi prilikom davanja krvi omogući slobodan dan na poslu. Stoga molim od „ORVI Komerc“ da razmotri mogućnost da omogući besplatan dvočasovni parking licima koja imaju više od 20 davanja krvi. Ovih lica na našoj općini na žalost nema puno, te smatram da ne bi bilo velike finansijske štete po ovo preduzeće, a bio bi postrek dobrovoljnim davaocima krvi da nastave svoju humanu misiju“.

### **Edin Šehić:**

„Za današnju sjednicu imam dva vijećnička pitanja i inicijativu.

Prvo pitanje upućujem Općinskom načelniku i nadležnoj službi u čijoj nadležnosti i na koji način da se izvrši postavljanje usporivača brzine (ležećih policajaca) i odgovarajućih znakova upozorenja na određenim dionicama puteva u MZ Babići? Molim za taksativno nabrojane korake implementacije ovakvog projekta?

Obrazloženje:

Određene dionice puta u MZ Babići, koje omogućavaju razvijanje brzine veće od dozvoljene za naseljeno mjesto, potencijalni su rizik od saobraćajnih nesreća, koje mogu imati i kobni ishod, posebno za pješake. Jedna od kritičnih dionica puta, gdje se prebrzo vozi, jeste na potezu Zvijezda-Kamenolom, a gdje je pješak, prije par mjeseci, usljed zadobijenih povreda podlegao. Postoji još nekoliko potencijalnih dionica za usporivače brzine u MZ Babići, što bi se razmatralo nakon saznanja na koji način iste postaviti.

Drugo vijećničko pitanje će biti praćeno slikama, a ono glasi:

Za dostavljanje kompletnih informacija i izvještaja na implementaciji projekta odvodnje oborinskih voda u MZ Miričina, prilikom čega su urađeni nefunkcionalni šahtovi i ulica u kojoj su vršeni radovi ostavljena u katastrofalnom stanju?

Obrazloženje:

Zamoljen od strane grupe zabrinutih građana MZ Miričina, naselja/ulice koje gravitira mjestu izvođenja radova na odvodnji oborinskih voda, postavljam navedeno vijećničko pitanje s ciljem dobivanja detaljnih informacija o konačnoj realizaciji navedenog projekta. Naime, iz slika koje su sastavni dio ovog pitanja, može se uvidjeti da su šahtovi urađeni

višlji preko 30 cm od samog puta, čime se postavlja pitanje na koji će način ovi šahtovi prihvatiti sve oborinske vode koje idu sa brda nadomak navedenog naselja, a cilj projekta je bio da se izbjegnu poplave prouzrokovane od velike količine oborinskih voda sa pomenutog brda. S tim u vezi tražim detaljne informacije o projektu, njegovoj implementaciji i svrsi, od nadzornog organa, koji je u ime investitora (općine) nadzirao implementaciju projekta.

Vijećničku inicijativu upućujem Općinskom načelniku, nadležnim službama i Sportskom savezu Općine Gračanica.

Da se Sportski savez Općine Gračanica kadrovski ojača sa vrhunskim poznavateljima sporta, te da se sistemski, institucionalno pristupi podršci i finansiranju sportskih kolektiva prema zaslugama i rezultatima od strane Sportskog saveza, kao krovne institucije svih sportskih dešavanja na području općine Gračanica.

Obrazloženje:

Obzirom na visoka budžetska izdvajanja u sport, u odnosu na realni budžet općine Gračanica na godišnjem nivou, smatram da se namjenskom trošenju i ulaganju u sport treba pristupiti institucionalno, profesionalno, stručno i transparentno, a taj zadatak, uz određenu reorganizaciju, najbolje može da izvršava aktuelni Sportski savez naše općine. Čemu svrha postojanja Sportskog saveza, ako ne ispunjava svoju misiju u potpunosti“.

### **Saša Operhal je kao šef Službe hitne pomoći odgovorio na pitanje vijećnika Džebo Senahida:**

„Što se tiče snimanja razgovora na poziv 124 to je uvedeno već nekih 4-5 godina. Mi imamo snimanje svih poziva i imamo zakonsku obavezu odgovora, dolaska na lice mjesta u gradskoj sredini do 12 minuta. Van gradskoj sredini do 20 minuta. To je ono što u zakonu piše. Ono s čim mi imamo problema, znači po pozivu na 124, postoji tačno određen Pravilnik o službi hitne pomoći koji je izašao 2010. godine, koja se pitanja postavljaju i na koja pitanja pozivalac mora dati odgovor. Znači, kad pozovete na 124, pitat će se, ko zove, odakle zove, zbog čega zove, broj telefona s kojeg zove i dalja pitanja su o stanju pacijenta za kojeg se zove. Da li pacijent diše, da li je svjestan, koje su njegove tegobe itd. Znači imate nekih odprilike 20 do 30 pitanja koja mi moramo postaviti i koja se naravno snimaju. Na prvo pitanje koje postavimo, ko zove, najčešće dobijamo psovke, uvrede, prijetnje itd., i spuštenu slušalicu. Znači, ne možete pozvati 124 i reći, čovjek leži na ulici u Stjepan Polju i spustiti slušalicu. Šta to nama znači?

Druga stvar koja nam je isto tako veliki problem je površina opštine Gračanica. Mi imamo dva tima u smjeni koja rade, znači 24 sata. U dva tima su dva ljekara i četiri medicinska tehničara. Odnosno taj tim koji radi 12 sati. Kad vi nama uputite poziv, što nam se dešava u 99 % slučajeva, da imate pacijenta koji teško diše, koji je pao itd., npr. u Doborovcima, mi pošaljemo tim na lice mjesta i nađemo pacijenta koji je hronični bolesnik, koji je nepokretan već 7-8. godina i koji inače teško diše. U međuvremenu, dobijemo poziv, kod npr. Lido osiguranja ima saobraćajna nesreća mi nemamo ekipu koja može izaći, jer ljekar koji je ostao u Službi hitne pomoći ne smije napustiti službu hitne medicinske pomoći, jer će biti krivično odgovoran. S toga bih ja iskoristio tematsku sjednicu zdravstva koja je nekad najavljena, da iznesem sve probleme s kojima se mi susrećemo. Najlakše je kritikovati rad službe o kojoj niko ništa ne zna. Lično sam imao jedno desetak emisija na Radio Gračanici, jedno 3-4 emisije na VIRAC TV-u. Imao sam i emisiju na Federalnoj televiziji, na kojoj sam uporno ukazivao na probleme hitne medicinske službe. Mi u prosjeku imamo 110 do 120 pregleda u 24 sata, kad se uzme mjesečni prosjek, što vikendom iznosi od 170 do 220 pacijenata za 24 sata. To bi trebalo da znači da su svi ti pacijenti bitni. U razgovoru sa mojim kolegama Klinički centar Univerziteta u Sarajevu za Novu godinu nema 220 pacijenata, a mi smo za Novu godinu imali 272 pacijenta. Naš prosjek pregleda pacijenata na godišnjem nivou iznosi 34.500. Toliko pacijenata se pregleda u Službi hitne pomoći za godinu dana. Ono što je nama problem, jeste što 98 % tih pacijenata, nisu hitni pacijenti. Ne pripadaju službi hitne medicinske pomoći, bol u leđima, bol u koljenu, povraćanje, kašalj i slično, apsolutno nisu za pružanje hitne medicinske pomoći. I kad vi pregledate 220 pacijenata u subotu i onda vas

pozovu da izađete na saobraćajnu nesreću, da vidim nekoga ko tu saobraćajnu nesreću odradi po pravilima i kako treba, pošto je pregledao prije toga 200 pacijenata. Znači svi podaci postoje, odkako je donesen Pravilnik o hitnoj medicinskoj pomoći. Naša hitna medicinska pomoć je najuređenija na kantonu i tu informaciju možete dobiti iz Kliničkog centra. Jedini obrađujemo pacijente po svim smjernicama Evropskim, kako su predviđene i po pitanju traume i svih ostalih problema. Mi smo unazad 11 godina svakog pacijenta sa infarktom obradili po svim Evropskim nivoima i 100 % tih pacijenata je preživjelo infarkt, bez posledica. Postavljen im je STEND u Kliničkom centru Tuzla, znači jedno vrijeme u Centru za srce dok je bio finansiran iz Federalnog ministarstva zdravstva. Tako da, što se tiče službe hitne medicinske pomoći, mislim da daje i više nego što je u svojim mogućnostima, da ne pričamo dalje. Mi imamo osam timova koji su predviđeni i plaćeni od Zavoda zdravstvenog osiguranja. Međutim znate svi koliko je površinski opština razučena i koliko treba sanitetu da ode u Buk i da iz Buka ode u Rašljevu kad primimo poziv. Ne možete očekivati od nas da mi stignemo negdje za tih 20 minuta iz Buka do Rašljeve. To nema šanse. Ono što smo tražili svi na nivou kantona, koji rade u hitnoj medicinskoj pomoći, da se oformi Zavod za hitnu medicinsku pomoć TK po ugledu na Sarajevski zavod za hitnu medicinsku pomoć. To je ustanova koja je potpuno odvojena od zdravstvenog sistema, odnosno od Doma zdravlja, od bolnice, od kliničkog centra. To je ustanova koja funkcioniše samo za sebe. Tražili smo i mogućnost postavljanja punktova, jedan u Miričini a jedan u Doborovcima, da bi mi imali lakši pristup, ali o tom po tom. Mislim kakva je sad situacija ja mislim da bi i ti punktovi koristili kao isturena odjeljenja porodične medicine, a ne ono što bi trebali da budu. Za sve sugestije, pitanja i primjedbe tu sam“.

**Prešlo se na raspravu o predloženom dnevnom redu koji glasi:**

1. RAZMATRANJE I USVAJANJE IZVJEŠTAJA O IZVRŠENJU BUDŽETA OPĆINE GRAČANICA ZA 2018.GODINU
2. RAZMATRANJE I USVAJANJE IZVJEŠTAJA O KORIŠTENJU BUDŽETSKE (TEKUĆE) REZERVE ZA 2018.GODINU
3. RAZMATRANJE I USVAJANJE AKCIONOG PLANA ENERGETSKI ODRŽIVOG RAZVOJA I KLIMATSKIH PROMJENA OPĆINE GRAČANICA (SECAP)
4. RAZMATRANJE I USVAJANJE ODLUKE O UTVRĐIVANJU PROSJEČNE KONAČNE CIJENE m<sup>2</sup> KORISNE STAMBENE POVRŠINE NA PODRUČJU OPĆINE GRAČANICA
5. RAZMATRANJE I USVAJANJE ODLUKE O UTVRĐIVANJU VISINE NAKNADE ZA POGODNOST GRADSKOG GRAĐEVINSKOG ZEMLJŠTA (RENTE)
6. RAZMATRANJE I USVAJANJE NACRTA ODLUKE O VISINI NAKNADE IMENOVANIM DUŽNOSNICIMA U REGULIRANIM TIJELIMA OPĆINE GRAČANICA
7. RAZMATRANJE I USVAJANJE PLANA UPISA UČENIKA U I RAZRED JU MJEŠOVITE SREDNJE ŠKOLE GRAČANICA ZA ŠKOLSKU 2019/2020.GODINU

8. RAZMATRANJE I USVAJANJE PLANA UPISA UČENIKA U I RAZRED JU GIMNAZIJA „DR. MUSTAFA KAMARIĆ“ GRAČANICA ZA ŠKOLSKU 2019/2020.GODINU
9. RAZMATRANJE I USVAJANJE PLANA AKTIVNOSTI ZA IMPLEMENTACIJU PLATFORME ZA MIR 2018-2020.GOD.
10. RAZMATRANJE I USVAJANJE IZVJEŠTAJA O RADU I FINANSIJSKOM POSLOVANJU SA BILANSOM STANJA I RAČUNOM PRIHODA I RASHODA, JU CENTAR ZA SOCIJALNI RAD GRAČANICA ZA 2018.GODINU
11. RAZMATRANJE I USVAJANJE IZVJEŠTAJA O RADU I FINANSIJSKOM POSLOVANJU SA BILANSOM STANJA I RAČUNOM PRIHODA I RASHODA, JU BOSANSKI KULTURNI CENTAR GRAČANICA ZA 2018.GODINU
12. RAZMATRANJE I USVAJANJE IZVJEŠTAJA O RADU I FINANSIJSKOM POSLOVANJU SA BILANSOM STANJA I RAČUNOM PRIHODA I RASHODA, JU DJEČIJE OBDANIŠTE „NAŠA DJECA“ GRAČANICA ZA 2018.GODINU
13. RAZMATRANJE I USVAJANJE IZVJEŠTAJA O ODABIRU PROJEKATA PO JAVNOM POZIVU ZA OMLADINSKE I NEVLADINE ORGANIZACIJE.

U toku rasprave o predloženom dnevnom redu Predsjedavajući vijeća Nihad Krajinović je upoznao prisutne da je Kolegij Općinskog vijeća održao sastanak prije sjednice i zaključio da se dopuni dnevni red sa još jednom tačkom i to pod rednim brojem 7 a radi se o Odluci o prestanku i dodjeli mandata u Vijeću MZ i to pod a) za Vijeće MZ Babići i pod b) za Vijeće MZ Gračanica. Materijal za dopunu je dostavljen vijećnicima prije početka sjednice.

#### **Za diskusiju se javio Hasić Ibrahim i iznio sljedeće:**

„Ja bih ovdje kad su u pitanju ove Odluke o zamjeni pojedinih vijećnika po određenim vijećima MZ-a, skrenuo jednu pažnju. Ukoliko sam dotični vijećnik, koji se mijenja ne traži sam da napusti Vijeće, mislim da ste ovdje napravili veliku grešku jer te vijećnike je u prošlom mandatu po V MZ-a birao narod. Sve ono što je narod birao do isteka mandata, to se ne može smijeniti, nema ni Statuta, nema ništa. A samo vam skrećem pažnju, šta bi radile političke partije kad oni preletači prelete sad tamo, sad ovamo. Ponavljam, ako to hoće oni koji neće više u Vijeće MZ, onda stranka može reći i predložiti da se popuni Vijeće. Ima vijećnika iz pojedinih partija, gdje nikad nisu prisustvovali sastanku Vijeća MZ i govorim da ukoliko sama osoba neće da se mijenja i ukoliko ide nekim drugim putem neće to vama ići u prilog“.

#### **Šehić Edin:**

„Evo ja uzimam za pravo, obzirom da su prijedlozi došli ispred Stranke za BiH, Kluba Stranke za BiH, dobacuje se, a zna se da do sada nije bilo problema i ne znam zašto je sad problem. Možda je kolega Ibrahim spavao kad smo mi raspravljali o izmjeni Statuta, gdje je rečeno, da stranka ukoliko ima obrazloženje, može zamijeniti člana Vijeća MZ. To je Statut, to je obaveza naša i nema potrebe da se neko izjašnjava hoće li biti u Vijeću MZ ili neće. Tako smo izglasali gospodo i tako trebamo primjenjivati“.

#### **Hasić Ibrahim:**

„Kolega Šehiću, za tvoju informaciju, ja nisam spavao, ja sam bio protiv te izmjene Statuta.Znači nisam spavao, ako je nekom pravo dao narod, nema niko pravo da mu uzima to“.

Zaključena je rasprava i prijedlog za dopunu dnevnog reda je usvojen sa 1 glasom „PROTIV“, 2 „SUZDRŽANA“ a ostali „ZA“.

#### **Konačni dnevni red glasi:**

1. RAZMATRANJE I USVAJANJE IZVJEŠTAJA O IZVRŠENJU BUDŽETA OPĆINE GRAČANICA ZA 2018.GODINU
2. RAZMATRANJE I USVAJANJE IZVJEŠTAJA O KORIŠTENJU BUDŽETSKE (TEKUĆE) REZERVE ZA 2018.GODINU
3. RAZMATRANJE I USVAJANJE AKCIONOG PLANA ENERGETSKI ODRŽIVOG RAZVOJA I KLIMATSKIH PROMJENA OPĆINE GRAČANICA (SECAP)
4. RAZMATRANJE I USVAJANJE ODLUKE O UTVRĐIVANJU PROSJEČNE KONAČNE CIJENE m<sup>2</sup> KORISNE STAMBENE POVRŠINE NA PODRUČJU OPĆINE GRAČANICA
5. RAZMATRANJE I USVAJANJE ODLUKE O UTVRĐIVANJU VISINE NAKNADE ZA POGODNOST GRADSKOG GRAĐEVINSKOG ZEMLJŠTA (RENTE)
6. RAZMATRANJE I USVAJANJE NACRTA ODLUKE O VISINI NAKNADE IMENOVANIM DUŽNOSNICIMA U REGULIRANIM TIJELIMA OPĆINE GRAČANICA
7. ODLUKA O PRESTANKU I DODJELI MANDATA ČLANOVIMA VIJEĆA MZ
  - A) Odluka o prestanku i dodjeli mandata u Vijeću MZ Babići
  - B) Odluka o prestanku i dodjeli mandata u Vijeću MZ Gračanica.
8. RAZMATRANJE I USVAJANJE PLANA UPISA UČENIKA U I RAZRED JU MJEŠOVITE SREDNJE ŠKOLE GRAČANICA ZA ŠKOLSKU 2019/2020.GODINU
9. RAZMATRANJE I USVAJANJE PLANA UPISA UČENIKA U I RAZRED JU GIMNAZIJA „DR. MUSTAFA KAMARIĆ“ GRAČANICA ZA ŠKOLSKU 2019/2020.GODINU
10. RAZMATRANJE I USVAJANJE PLANA AKTIVNOSTI ZA IMPLEMENTACIJU PLATFORME ZA MIR 2018-2020.GOD.
11. RAZMATRANJE I USVAJANJE IZVJEŠTAJA O RADU I FINANSIJSKOM POSLOVANJU SA BILANSOM STANJA I RAČUNOM PRIHODA I RASHODA, JU CENTAR ZA SOCIJALNI RAD GRAČANICA ZA 2018.GODINU

12. RAZMATRANJE I USVAJANJE IZVJEŠTAJA O RADU I FINANSIJSKOM POSLOVANJU SA BILANSOM STANJA I RAČUNOM PRIHODA I RASHODA, JU BOSANSKI KULTURNI CENTAR GRAČANICA ZA 2018.GODINU
13. RAZMATRANJE I USVAJANJE IZVJEŠTAJA O RADU I FINANSIJSKOM POSLOVANJU SA BILANSOM STANJA I RAČUNOM PRIHODA I RASHODA, JU DJEČIJE OBDANIŠTE „NAŠA DJECA“ GRAČANICA ZA 2018.GODINU
14. RAZMATRANJE I USVAJANJE IZVJEŠTAJA O ODABIRU PROJEKATA PO JAVNOM POZIVU ZA OMLADINSKE I NEVLADINE ORGANIZACIJE.

Konačan dnevni red je usvojen uz 1 glas „SUZDRŽAN“, a ostali „ZA“.

## **TAČKA 1**

### **RAZMATRANJE I USVAJANJE IZVJEŠTAJA O IZVRŠENJU BUDŽETA OPĆINE GRAČANICA ZA 2018.GODINU**

**Uvodno obrazloženje za ovu tačku dnevnog reda dao je Općinski načelnik Nusret Helić:**

„Vi ste dobili Izvještaj o izvršenju budžeta za prošlu godinu sa pismenim obrazloženjem.

Ja ću se osvrnuti na osnovna pitanja Izvršenja i dodatno pojasniti ostvarenje nekih budžetskih stavki i ukupnog izvršenja.

Da podsjetim sve nas. Budžet Općine za 2018.godinu usvojen je krajem 2017.godine, a rebalans krajem oktobra 2018.godine.

Planirani budžet 2018.godine iznosio je 13.811.305 KM. Takođe smo u skladu sa Odlukom o izvršenju budžeta i uputstvom donijeli Odluku krajem 2018.godine o usmjeravanju namjenskih grantova u budžet, te je on povećan za novih 69.416,27 KM, a radi se o sredstvima vodosnabdijevanja za naselja Bijela Polja, Seljanuša i Gornja Lohinja, te je u konačnici planirani budžet iznosio 13.889.721 KM.

Kad je u pitanju izvršenje:

Prihodi i primitci u 2018.godini ostvareni su u iznosu od 12.537.451 KM i to:

- Prihodi i primitci tekuće godine 11.578.777 KM
- Preneseni višak prihoda prethodne godine 958.674 KM
- Ukupni rashodi i izdaci 10.388.169 KM.

Ukupni finansijski rezultat, odnosno suficit ostvaren je u iznosu 2.154.169 KM.

Ostvareni višak je rezultat ostvarenja većih prihoda i primitaka nad rashodima i izdacima, nešto većeg prenesenog viška iz prethodnih godina, te nekih ne realizovanih planiranih projekata.

U strukturi ostvarenih prihoda najveći dio čine porezni prihodi 8.228.395 KM i veći su za 7,9 % od plana, odnosno po ovom osnovu smo ostvarili više nešto oko 603.513 KM.

U okviru poreznih prihoda najveći dio se odnosi na prihode po osnovu indirektnih poreza koji su ostvareni za 5,67 % više u odnosu na plan.

Porez na dohodak je ostvaren veći za 14,46 % i porez na imovinu za 10,05 %.

Za razliku od poreznih, neporezni prihodi su ostvareni manji za oko 18 % ili za 510.785 KM. Manje je ostvarenje na koncesijama 50 %, te posebnim naknadama i taksama 77 % koja se odnose na posebna sredstva od prirodnih i drugih nesreća.

Najmanje ostvarenje na grantovima, svega 36,53 %, posebno na kapitalnim grantovima.

Podsjetit ću šta smo planirali uraditi grantovima viših nivoa vlasti (vodovodi u MZ: Doborovci, Škahovica, Vranovići, Donja Orahovica, Buk, Miričina, Bijela Polja, regulaciju Sokoluše, rješavanje oborinskih voda Bare-Grabovac i u Donjoj Orahovici, sanacija korita rijeke u Prijekom Brdu i dr.).

Sve su to planirana sredstva od kantona i za njih postoje donesene odluke.

Očekujemo ova sredstva u ovoj godini sa napomenom da smo procedure za ove projekte gotovo sve završili.

Toliko o ostvarivanju prihoda.

Ukupno izvršeni rashodi i izdaci iznose 10.383.282 KM i u odnosu na planirane manji su za 25,20 %.

Najmanje je ostvarenje na kapitalnim izdacima 43 %. Radi se uglavnom o projektima za koje su procedure završene u zadnja dva mjeseca prošle godine i nisu mogli biti rađeni do kraja godine. Njihova realizacija će uskoro krenuti. O nekima sam već govorio, a ostalo su većinom putevi.

I budžetska rezerva je manje ostvarena za 20 %, kao i izdaci za materijalne troškove za 18 %.

Stavke koje se odnose na funkcionisanje izvršne vlasti i službi takođe su ostvarene manje od planiranih (plate, otpremnine, putni troškovi, administrativni materijal, sitan inventar, reprezentacija i drugo).

Moram posebno spomenuti dvije budžetske stavke koje nisu ostvarene u planiranim veličinama, a to su: grantovi mjesnim zajednicama i parlamentarne grupe i rad klubova, zbog naših propusta. Razliku sredstava će mo planirati rebalansom ove godine, kao i sve kapitalne projekte koji nisu realizovani u 2018.godini, a nisu planirani budžetom ove godine.

Ako bude potrebe za još nekim pojašnjenjima stojimo vam na raspolaganju. Ja predlaže, da usvojite Izvršenje budžeta“.

Učesnici u diskusiji su:

### **Osman Sulejmanović u ime Komisije za budžet iznio je slijedeće:**

„Komisija je razmatrala Izvještaj budžeta za 2018.godinu i predlaže da se ovakav isti usvoji uz primjedbe, a ovo načelnik je u uvodnom dijelu rekao, da se pod hitno krene u realizaciju kapitalnih ulaganja, odnosno preneseni projekti iz 2018.godine, pa tek onda da se ide u proceduru s projektima iz 2019.godine“.

### **Edin Šehić:**

„Evo ja ću početi svoje izlaganje uz odgovor koji sam dobio, o dužnicima, po osnovu taksi za komunalne naknade i ujedno ću postaviti par pitanja za neka pojašnjenja oko izvršenja budžeta. Dakle, u dobijenom odgovoru dužnika po osnovu komunalnih taksi od kladionica, za predhodne tri godine procijenjena vrijednost, odnosno onaj razrez koji bi trebali kladionice da uplate je 595.493 KM, od toga je samo naplaćeno 45.848, dakle za više od pola miliona Općina je ostala kratka. Tako da me interesuje na koji način se vrši prihodovna strana odnosno planiranje po osnovu komunalnih taksi, na osnovu naravno usvojenih odluka o razrezu po osnovu komunalne takse. Drugo pitanje je zašto je slaba naplata po osnovu prihoda od koncesija, svega 47,41 %? Vjerovatno postoji neko obrazloženje. Zatim ekonomski kod 721 232 prihodi ostvareni prodajom stanova, planirano 20.000, ostvareno nula, da se pojasni o čemu se radi, jer stan od 20.000 malo mi ovako strši, da se tako izrazim.

Zatim 722 791 ostale neplanirane uplate, planirano 10.000, naplaćeno 32.173 KM. Tražim obrazloženje, na šta se odnosi više od 300 % povećanje.

Zatim ekonomski kod 613 416 i 613 727, oba ova koda se odnose na Vatrogasnu jedinicu Gračanica. Svi smo svjedoci da je Vatrogasna jedinica u veoma lošem stanju i da svi trebamo smoći snage da ovu jedinicu prije svega opremimo, naravno i kadrovski ojačamo da nedaj bože katastrofe mislim da zasita imamo problema sa postojećom Vatrogasnom jedinicom. Dakle, za sitan inventar planirano pet hiljada a utrošeno 983 i za tekuće održavanje planirano 10.000 utrošeno 1195. Čisto informativno me interesuje, obzirom da su planirane stavke, imamo lošu situaciju, zašto nisu i utrošene?

Ekonomski kod 613 727 izdaci za video nadzor planirano 73.000, utrošeno 27.242 KM. Ja još ne vidim video nadzor i interesuje me šta se finansiralo od ovih 27.000 i ujedno jedna sugestija i inicijativa, da prilikom sanacije video nadzora posveti se pažnja na raskrscnicu kod BKC-a, kod ulaza u OŠ „Hasan Kikić“, da se iznađe mogućnost eventualnog sankcionisanja počinioca prekršaja, kako parkiranja, tako možda i drugih prekršaja u ovoj frekventnoj ulici. To vjerovatno može Policijska stanica nakon uvida. Sad ne znam da li zakonski može, ali bilo bi dobro da se ide u tom pravcu, kako bi spriječili, nedaj bože neke gore stvari. Zatim ekonomski kod 614 519 subvencija i podrška preduzećima i poduzetnicima pri zapošljavanju prvi biznis mladih od planiranih ukupno 130.000 ostvareno 73.869. Interesuje me zašto je malo više od 50 % utrošeno tih sredstava, znamo da je Gračanica od posla čaršija i da li je to zaista da se nisu prijavili ili je neki kriterij koji nije prihvatljiv za naše privrednike. Obzirom da smo u razgovorima neformalno dolazili svi do informacija da je sve poskupilo i s određene stavke po osnovu projekata probijene, ja nisam vidio ni jednu probijenu stavku u ovom budžetu i evo čestitam načelniku ako je uspio to izbalansirati. A znam da je bilo priče da su svi projekti daleko prekoračeni od planiranih. Izdaci za sanaciju klizišta uključujući i Monj planirano 135 hiljada a ostvareno 49.000. Znamo u kakvoj je situaciji putni pravac preko Monja, po tom pitanju da li će se nešto hitno rješavati obzirom da evo i dosta sredstava nije ni utrošeno. I na kraju mene kao ekonomistu, to sam jednom napominjao, malo zbunjuje ova politika i budžetiranje, pa i izvršenje, obzirom da rebalans budžeta, ukoliko je izvjesno da određeni projekti neće biti realizovani, predlagač bi trebao da predloži da ti projekti se potpuno brišu i automatski suficit ne bi imali dva miliona nego bi imali suficit od sto ili dvjesto hiljada a novi projekti bi bili na budžetu za koji bi mi glasali. Tako iz godine u godinu prenosimo određene projekte od milion i dva i oni kroz tri godine dožive realizaciju, a mi imamo napumpani budžet od trinaest miliona. Molio bih i ovdje pojašnjenje, možda griješim ali projekti koji neće biti realizovani, može se rebalans uraditi i u decembru, što da ne, a onda usvajati novi budžet“.

### **Odgovore je dao Općinski načelnik Nusret Helić:**

„Evo ja mislim da ću uspjeti na sve odgovoriti ili bar na dio. Prvo kad su u pitanju komunalne takse, odnosno komunalne naknade, takse na firmu, one se razrezuju u skladu sa našom odlukom. Razrez i naplatu vrši Poreska uprava i ono što su oni uspjeli naplatiti to je u budžetu. Kad su u pitanju ovi problemi, uglavnom su to kladionice, a u toku ste da mnogi tuže i mnogi su sporovi na sudu vezano za odluke. I mislim da su ljudi i u pravu, ti koji tuže. Komunalna naknada je praktično neknada na firmu. Zakonodavac ne da se ona određuje prema djelatnosti, prema prihodu i slično. U suštini ona bi trebala da bude po zakonu, kao što i jeste kod nas i primjera radi, po veličini reklame itd. Imajući u vidu sva ova iskustva, mi možda za dvije sjednice ćemo predložiti jednu takvu odluku, u kojoj ćemo pokušati, pošto u prvoj zoni ovi svi veći a tako i kladionice, svima utvrditi neku naknadu a onda se voditi i umanjiti jer imamo pravo kao Vijeće, za one neke koje mi štitimo. To je jedini način da uberete od njih veću naknadu, a da ne oštetite druge. Mi bi sad mogli donijeti odluku i reći u orvoj zoni je taksa na firmu 10.000 svima, a tamo se nalaze neke male zanatske radnje i kako će on dati ta sredstva. Pokušat ćemo na taj način, a da sad o tome ne raspravljamo, bit će Odluka u skladu i sa ovim presudama Ustavnog suda, na Vijeću pa ćemo vidjeti i probati naći način da se to riješi.

Koncesije takođe razrezuje i naplaćuje Kantonalno ministarstvo. Moguće da ima i onih koji nisu platili, mi radimo plan na bazi prošle godine. Pitamo mi šta je, moguće je da neki nisu platili. Koncesije plaćaju samo dva kamenoloma. Mi od naplate koncesija imamo možda najmanji prihod na čitavom kantonu, jer nemamo tih dobara od kojih se može puno naplatiti. Mi smo računali prodaju jednog našeg stana kod kog još ima imovinskih problema. Vatrogasna jedinica, mi pokušavamo stalno, evo tu je i šef službe, da obezbijedimo više sredstava i da kupimo konačno i cisternu. To su sredstva specifična i o njima odlučuje Štab civilne zaštite. Jest da su ona ne realizovana ali nisu potrošena nigdje. Video nadzor je u toku i na jednoj od sjednica ćemo detaljno informisati vas. Pri kraju je, radi se o postavljanju

negdje oko dvadesetak kamera. Ključne su i raskrsnice, mislim da je obuhvaćena ova ovdje gdje je ulaz u grad, sa neke tri strane, a znate da imamo i odozdo sporednih puteva. Informisat ćemo vas kad će biti završen, a ovo je dio koji smo morali platiti. Put Monj, raspisan je i dovršene su procedure i te su pare u okviru ovih. Rekao sam da svi projekti koji nisu realizovani, planirani u budžetu za ovu godinu, završene procedure i idu u narednu godinu. Nije se desilo, možemo zakasnuti, da ono što je planirano, završene procedure, da nije realizovano. Znam da svakom smeta što sporije ide realizacija, ali evo da sad ne pričam koji su razlozi, imamo i tendera na koje se ne prijavi niko. Onda imamo tendera gdje su žalbe, pa to traje po 6-7 mjeseci. Ne smijemo raspisati odmah u januaru za sve jer ne znamo kako se odvija budžet. Tako da malo kaskamo u realizaciji projekata, svi će doći i za sve njih imamo obezbijedene pare. Neću reći koliki je suficit bez toga, ali imamo ga itekako. Evo ja sam spomenuo neke stavke, npr. budžetsku rezervu nismo potrošili a mogli smo je potrošiti u reprezentaciju, ali smo vodili računa da tamo na nešto što ne moramo potrošiti, a sve je planirano na bazi prošle godine. Dakle, nismo mi planirali nešto više pa da kao fol uštedimo. Što se tiče ovoga jesmo li trebali planirati dobro pa rebalansom skinuti. Mi smo skinuli ako se sjećate sve što smo bili sigurni da nešto neće ići, a nešto smo ostavili jer su bile pokrenute procedure, pa nam izvođač kaže, moguće da ću završiti. Ali ponavljam, najbitnije je da su te pare tu, gotovo sve procedure su završene i mi krećemo u realizaciju. Evo to su odgovori na pitanja, mislim da je izvršenje uspješno, odnosno Izvještaj je uspješan i drago mi je. Kad kažem Izvještaj, to je izvještaj vaš i naš, mi 15 godina nemamo deficita. A kad bih vam pričao koje opštine sve imaju deficit i kako ljudi štimaju, uhvatili bi se za glavu. Svi zajedno treba da budemo ponosni uz opasku da ovo što kasne projekti je do nas i ove dvije, tri stavke su dio nas. Kažem da se to neće ponoviti, jednostavno nismo na vrijeme razgovarali“.

### **Edin Šehić:**

„Evo ja sam zadovoljan odgovorima samo vezano za planiranje, vezano za komunalne takse. Planirano je pesto hiljada u 2018. godini, ostvareno 528.000. Ja ovdje imam pred sobom 190.300 razreza Porezne uprave, komunalne takse koje su trebale biti naplaćene, a nisu naplaćene. Dakle, to me malo zbunilo, razumijete, znači nije vjerovatno dobro isplanirano prikazani su prihodi, a slažem se da moramo pripremiti Odluku o komunalnim taksama da ne bi imali problema, troškova i slično“.

Zaključena je rasprava.

Izvještaj o izvršenju budžeta Općine Gračanica za 2018. godinu je usvojen sa 24 glasa „ZA“ i 4 „SUZDRŽANO“

### **TAČKA 2**

#### **RAZMATRANJE I USVAJANJE IZVJEŠTAJA O KORIŠTENJU BUDŽETSKE (TEKUĆE) REZERVE ZA 2018. GODINU**

„Planirana budžetska rezerva je iznosila 130.000 KM i koristi se za ne planirane budžetske izdatke ili za namjene za koje nedostaju sredstva utvrđena u budžetu.

Iz Izvještaja je vidljivo na koje je namjene potrošen dio budžetske rezerve, uz napomenu da je manje potrošeno oko 27.000 KM.

Evo nekih pojašnjenja o utrošku sredstava rezerve poslije zadnjeg izvještaja za 6 mjeseci kojeg je ovo Vijeće usvojilo (od stavke broj 5 pa nadalje).

Stavka 11 interaktivna mapa sa projektom virtualnog prikaza ulica u skladu sa potpisanim ugovorom (predstavljen u ovoj sali u utorak 26.03.).

13 – Sanacija krova na zgradi Feringa (za potrebe sajma). Prošle godine je krov prokišnjavao.

14 – Odlazak u Švicarsku radi kupovine vještačke trave za pomoćni teren. Išao sam ja i brat od ovog koji nam je to obezbijedio. To su avionske karte, smještaj i slično.

16 – Dio sredstava za pomoćni teren sa vještačkom travom, nije bilo tad rebalansa pa smo intervenisali za skidanje te trave, firmi.

24 – Nedostajuća sredstva za Rukometni klub Gračanica, zbog većih troškova ulaska u Premijer ligu. Intervenisali smo iz budžetske rezerve.

Ostale namjene su jasne“.

### **Za diskusiju se javio Edin Šehić:**

„Evo imam samo jedno pitanje za načelnika vezano za stavku broj 3 – sredstva doznačena na Sportski savez Općini na ime postavljanja klizališta. Zašto se nije ovo 5561 finansiralo iz stavke budžeta jer je navedeno 61.000, a ostvareno 50.535. Kad je bilo prostora zašto je to išlo iz rezerve? I još jedno pitanje vezano za projekte iznad 6.000 KM, iako su sredstva iz rezerve, ide li obaveza procedure javne nabavke i šta već ide u vezi s tim?

### **Odgovor je dao Općinski načelnik:**

„Ovo za klizalište, je na ime plaća jer mi nismo mogli plaćati one koji su radili na klizalištu, pa smo na taj način intervenisali. Nebi se ništa desilo da smo uknjižili i na ovu stavku, ali ovo je bilo prije rebalansa sjećate se da smo prvo tamo planirali 50.000. Nismo dobro planirali klizalište. Ove godine smo malo uspjeli jeftinije naći klizalište i zbog toga smo morali na ovaj način riješiti. Ovo drugo, sve su zakonske procedure sprovedene, išlo se na direktni sporazum“.

Zaključena je rasprava i Izvještaj o korištenju budžetske (tekuće) rezerve za 2018. godinu je usvojen sa 24 glasa „ZA“ i 4 „SUZDRŽANO“.

Kao što je i dogovoreno, data je pauza koja traje do 13,00 sati.

Nastavku sjednice je prisustvovalo 27 članova Općinskog vijeća. Odsutni su Almedin Devedžić, Mujkić Mirsad i Puškar Hasan.

### **TAČKA 3**

### **RAZMATRANJE I USVAJANJE AKCIONOG PLANA ENERGETSKI ODRŽIVOG RAZVOJA I KLIMATSKIH PROMJENA OPĆINE GRAČANICA (SECAP)**

Obrazloženje i elektronsku prezentaciju ove tačke dnevnog reda dao je Mirza Hodžić.

Sjednici su pristupili Almedin Devedžić i Mujkić Mirsad, pa je prisutno 29 članova Vijeća.

Učesnici u diskusiji po ovoj tački dnevnog reda su:

### **Edin Šehić:**

„Ja bih se zahvalio Mirzi na izlaganju obzirom da nisam ni mogao taj obimni dokument iščitati i drugačije je kad o tome kaže čovjek koji je radio na tome. Ono što bih ja inicirao i predložio jeste da neke stvari već preduhitrimo, odnosno poduzmemo korake na samoj implementaciji evo kod javne rasvjete. Da Općina Gračanica ne finansira izgradnju rasvjete bez LED svjetala. Znači da stopiramo da kasnije nebi ispravljali, nego da automatski sad krenemo sa nekim mjerama gdje bi javnu rasvjetu radili, samo onu koja je u skladu sa ovim Akcionim planom i koja je prihvatljiva za ekologiju“.

### **Senahid Džebo:**

„Da postavim pitanje svjesni smo i toga da Opština Gračanica ne može imati subvencije u određenim stvarima. Ovdje se iznosi da se u transportu ne može smanjiti, da će to biti po principu korištenja plina i naknadno uvođenje nekakvih dodatnih taksi pa građani ponovo tu odbijamo od korištenja plina, smanjenja emisije CO<sub>2</sub>, postoje li nekakvi fondovi koji bi mogli, evo u zemljama Evropske unije u okruženju našem koji daju subvencije. Za utopljanje zgrada dobijaju se subvencije, ukoliko građani rade dobijaju od kamate, iz kredita se izbijaju. Može li se odavde na nekakav način uticati na smanjenje tih taksi na goriva i takve slične stvari“.

Odgovor je dao Mirza Hodžić, a nakon toga je rasprava zaključena i Akcioni plan energetske održivosti i klimatskih promjena općine Gračanica (SECAP) je usvojen sa 28 glasova „ZA“ i 1 „SUZDRŽAN“.

**TAČKA 4**  
**RAZMATRANJE I USVAJANJE ODLUKE O UTVRĐIVANJU PROSJEČNE KONAČNE CIJENE m<sup>2</sup> KORISNE STAMBENE POVRŠINE NA PODRUČJU OPĆINE GRAČANICA**

Nije bilo učesnika u diskusiji o Odluka o utvrđivanju prosječne konačne cijene m<sup>2</sup> korisne stambene površine na području općine Gračanica je usvojena jednoglasno.

**TAČKA 5**  
**RAZMATRANJE I USVAJANJE ODLUKE O UTVRĐIVANJU VISINE NAKNADE ZA POGODNOST GRADSKOG GRAĐEVINSKOG ZEMLJIŠTA (RENTE)**

Nije bilo učesnika u diskusiji i Odluka o utvrđivanju visine naknade za pogodnost gradskog građevinskog zemljišta (rente) je usvojena jednoglasno.

**TAČKA 6**  
**RAZMATRANJE I USVAJANJE NACRTA ODLUKE O VISINI NAKNADE IMENOVANIM DUŽNOSNICIMA U REGULIRANIM TIJELIMA OPĆINE GRAČANICA**

Sjednicu je opravdano napustio Ibrahim Hasić, pa je prisutno 28 članova Vijeća.

Učesnici u diskusiji po ovoj tački dnevnog reda su:

**Edin Šehić:**

„Evo ja ću pokušati da govorim glasom, da kažem, običnog građanina iz realnog sektora. Obzirom da se ovdje radi o tzv. usklađivanju i tačnije povećavanju naknada članovima upravnih odbora, ja lično mislim da povećanje od 100 % i više je po meni nekorektno i nema smisla. Recimo evo čisto poređenje, po starijoj Odluci članovi u upravnim odborima su imali 200 KM a sada bi imali 40%. Oko 900 KM je prosječna plata, to je preko 360 KM. Zatim, evo za 15, 270 itd. Sve su iznosi naknada preko 200 KM do 360, što mislim da nije korektno u ovakvoj situaciji u kakvoj smo trenutno, da članovi upravnih odbora imaju ovako visoke nakande, a vi sami znate kako se veže visina prosječne plate, odnosno kako se izračunava prosječna plata, da su to većinom plate u upravama i ustanovama a realni sektor ima nešto oko 400-500 KM, prosječnu platu. Ovo je nacrt Odluke ali želio sam da iznesem svoj stav da nije korektno vršiti ovoliku disperziju u odnosu na raniju Odluku i staviti da to budu naknade više od 100 % povećane“.

**Alen Ibrišević:**

„I ja se slažem sa kolegom Šehićem da su ovo zaista malo previsoke naknade. Moj prijedlog je, a tako ću dati i amandman u javnoj raspravi. Pošto je tamo u Izvještaju Centra za socijalni rad ko je iščitavao, tamo vidimo da su naknade porodiljama vezano za prosječnu platu kantona, našeg, moj prijedlog će biti, da se u članu 2 umjesto onih procenata od prosječne plate u Federaciji BiH, da se stavi prosječna plata kantona našeg Tuzlanskog kantona“.

### **Senahid Džebo:**

„U ime Kluba SDA, ovaj nacrt ćemo danas podržati, međutim sa mnogim stvarima se ovdje ne slažemo i uložiti ćemo amandmane na ovakvu Odluku. Šta nije ovdje stvarno srazmjerno, vršimo nekakva razdvajanja između ustanova. Je li to nešto značajniji čovjek u jednom Upravnom odboru u odnosu na drugi Upravni odbor. O visinama ovih naknada zbilja ovo što kolega Šehić govori, zbilja je neusklađeno. Mi smo na prošloj sjednici raspravljali Odluku o naknadi predsjednicima Vijeća MZ, koji hoćemo da rade za 84,00 KM. Tamo imaju od 2000-4000 stanovnika borimo se sa njima, dajemo im 84,00 KM a tražimo odgovornost. Ovdje Upravni odbor hoće li ili ne imati sjednicu i damo im nekih 400,00 KM. Ipak su ovo sve sredstva, koliko ja mislim iz Općinskog budžeta. U najmanju ruku, ne mogu reći u ime kluba, ali ću reći u svoje lično ime kasnije. Takođe stav kluba je da se defiiše neodržavanje sjednica, da se naknada ne isplaćuje. Ako mi ovdje koji sjedimo nemamo nakandu u tom mjesecu i onaj ko ne radi, da nešto dobija, zbilja je nerazumno. Takođe član 3 je neujednačen i u članu 4 ćemo tražiti da se regres u ovim ustanovama ne može isplaćivati ukoliko posluje negativno. U svoje lično ime evo sad da kažem ovdje meni ovo sve liči da su pojedini članovi upravnih odbora nama ovakav nacrt dostavili da ga izglasamo“.

### **Vahidin Smajlović:**

„Vezano za ovu tačku dobro je da ovo ide kao nacrt. Mi smo na kolegiju o ovome raspravljali i jednoglasno smo se složili da ide ta Odluka, zaista da to ide u nacrtu. Javna rasprava je 30 dana i ja se slažem kao i kolege iz mog kluba da ovdje ima zaista drastičnog povećanja. Razlog zašto je to došlo do tolikog povećanja, da li je to obim poslova, velika odgovornost ali kad usporedimo sa ovim što je kolega Senahid rekao, zaista sa predsjednicima Vijeća MZ koji imaju ogroman obim posla, odgovornost, to već postaje malo za duboko razmatranje i o tome zaista moramo povesti svi računa. Javna rasprava je 30 dana i moći ćemo svi da damo svoje prijedloge. Ovo je stavljeno u nacrt da upravo i članovi upravnih odbora iz javnih ustanova i preduzeća mogu dati svoje prijedloge, da bi došli do najboljeg rješenja. Činjenica je ovdje, o čemu bi trebali voditi računa, dobili smo u materijalu odluke Vijeća od 2014. godine, gdje je tačno navedeno koliko koja javna ustanova i preduzeće može da ima, koliko predsjednik, koliko članovi mogu imati i koji je iznos naknade. Ali ja vjerujem da i vi i ja imam na žalost informaciju da neka preduzeća i ustanove nisu ni poštovale ovaj način isplate ovih visina koje su određene. Zato mi smo i tražili i treba da dođemo do podataka od javnih ustanova i javnih preduzeća koliko je ko isplaćivao u ovom periodu od 2014. godine po ovom osnovu. Je li to bilo 130,00 KM do tog iznosa za člana Upravnog odbora ili je bilo više. A ima informacija da je bilo više. Moramo znači doći do tih podataka, da vidimo, ako Vijeće donese odluku, da je to taj iznos i da se može isplaćivati, bez obzira što preduzeće posluje pozitivno mislim da nebi trebalo da to radi, bez obzira o kojem je preduzeću riječ. Ponovo kažem, svi treba da se uključimo i utvrdimo razuman iznos, da treba da imaju za svoj rad, određenu naknadu, ali moramo malo da uporedimo sa drugim, evo sa predsjednicima Vijeća MZ-a“.

### **Mirzet Topčagić:**

„Evo ja ovu Odluku, kao što su moji predhodnici već rekli, nacrt je u pitanju i ja je neću komentarisati jer ćemo mi kao klub djelovati na nju svojim prijedlozima. Ono što želim reći, jeste da se nadovežem na Vahidinovo izlaganje, to jest tražim da nam se dostave GPD obrazci iz Poreske uprave, svih upravnih i nadzornih odbora po imenima, isplaćivane iznose danom donošenja ovih odluka. Znači, to je od aprila mjeseca 2014. godine. Pogotovo mislim da tu treba malo više obratiti pažnju. Znači, da li su poštovane ove odluke, jer mišljenja sam da više nema smisla da usvajamo i ovu ako se neće poštovati. I mislim da, ako utvrdimo da se nisu poštovale ove odluke i ako neka lica i danas obnašaju funkciju člana upravnog i nadzornog odbora, moramo prema njima pokrenuti neke sankcije“.

### **Fadil Mešić:**

„Pod ovom tačkom dnevnog reda nije samo riječ o naknadama članovima upravnih i nadzornih odbora, nego i o plaćama direktora u javnim preduzećima i javnim ustanovama. Naknade članovima upravnih odbora ne mogu ostati ovakve kako su predložene. Najrealnije bi bilo da predsjednici upravnih odbora imaju po 200, 00 KM a članovi po 150,00 KM. To će biti i moj prijedlog kada dođe odluka. Zatim, u članu 3 ove Odluke govori se o visinama plata direktora gdje je osnivač Općina. Mislim da bi iz stava 1. ovog člana trebalo izuzeti javne zdravstvene ustanove gradske apoteke s obzirom da iste ne dobijaju od Zavoda zdravstvenog osiguranja TK skoro pa ništa. Dobijaju nešto, a to je jedan mjesec da se pokriju troškovi finansiranja. Apoteke posluju najvećim dijelom prodajom lijekova i medicinskog materijala, znači na komercijalnoj osnovi. Plaće direktora mogu biti i niže ukoliko apoteke i ostale ustanove posluju sa gubitkom. Znači, ovdje treba apoteke izuzeti iz ove Odluke“.

### **Senahid Džebo:**

„Ja sam upravo na početku govorio ovome što Fadil reče nekog izuzimati. Zbilja iz ovog ne treba ništa izuzimati nego donijeti jedinstven stav da svima bude jednako. Koliko se može iz toga koristiti, evo fino je navedeno, ne može biti veća od tog i tog. I u članu 2. staviti isto ne može biti veća od 30 %. Mi se ovdje vežemo i kažemo. Izvinjavam se, stoji do 30 %.

Predsjedavajući Vijeća je zaključio raspravu i dao pauzu u trajanju od 15 minuta kako bi kolegij Vijeća održao sastanak.

### **Nakon pauze predsjedavajući Vijeća je definisao zaključak koji glasi:**

Usvaja se Nacrt Odluke o visini naknade imenovanim dužnosnicima u reguliranim tijelima Općine Gračanica.

Nakon odluke stavlja se na javnu raspravu u trajanju od 60 dana.

Javnu raspravu će provest Stručna služba u skladu sa Odlukom o javnim raspravama u općini Gračanica („Sl. glasnik Općine Gračanica“, broj: 5/04).

U toku javne rasprave Služba će prikupiti podatke o isplata plata direktorima i naknadama članovima upravnih i nadzornih odbora javnih ustanova i javnih preduzeća.

Sve primjedbe, prijedloge, dopune i sugestije se mogu dostaviti nadležnoj službi.

Zaključak je usvojen sa 27 glasova „ZA“ i 1 „SUZDRŽAN“.

## **TAČKA 7**

### **ODLUKA O PRESTANKU I DODJELI MANDATA ČLANOVIMA VIJEĆA MZ**

**A) Odluka o prestanku i dodjeli mandata u Vijeću MZ Babići**

**B) Odluka o prestanku i dodjeli mandata u Vijeću MZ Gračanica**

Nije bilo učesnika u diskusiji i Odluka o prestanku i dodjeli mandata članovima Vijeća MZ Babići usvojena je sa 1 glasom „SUZDRŽAN“ a ostali „ZA“.

Odluka o prestanku i dodjeli mandata članovima Vijeća MZ Gračanica usvojena je sa 2 glasa „SUZDRŽANA“ a ostali „ZA“.

## **TAČKA 8**

### **RAZMATARNJE I USVAJANJE PLANA UPISA UČENIKA U I RAZRED JU MJEŠOVITA SREDNJA ŠKOLA GRAČANICA ZA ŠKOLSKU 2019/2020.GODINU**

**Uvodno obrazloženje je dao Nukić Fikret pomoćnik direktora Mješovite srednje škole Gračanica.**

„Evo obrazložiti ću prijedlog Plana upisa učenika u I razred Mješovite srednje škole u Gračanici za školsku 2019/2020.godinu.

Prvo da kažem da Mješovitu srednju školu Gračanica trenutno pohađa 1.420 učenika koji su raspoređeni u 66 odjeljenja u različitim zvanjima i zanimanjima. Ove godine iz osnovnih škola izlazi 468 učenika i to je za 16 učenika manje u odnosu na predhodnu godinu. Dakle, pored onih ostalih kriterija kad se pravi Plan upisa učenika, rukovodili smo se i ovim smanjenjem broja učenika iz osnovnih škola, to jest za ovih 16 učenika. Nadam se da imate ovu listu prijedloga Plana upisa po kojoj se vidi da je škola planirala upisati imate ovu listu prijedloga Plana upisa po kojoj se vidi da je škola planirala upisati 19 odjeljenja i to 10 odjeljenja tehničkih škola i 9 odjeljenja stručnih škola. Odmah ću da obrazložim zadnju kolonu gdje imamo jedno odjeljenje ili ½ odjeljenja, šta to znači. Danas je vrlo teško upisati kompletno jedno odjeljenje zidara ili jedno odjeljenje keramičara. Pa smo primjera radi, keramičar i zidar u tački 15 planirali po pola odjeljenja. Dakle, to je način da se formira odjeljenje, da se odgovori zahtjevima tržišta, odnosno naših privrednika. U suprotnom, ako bi smo tu stavili po jedno odjeljenje došli bi u priliku da ne možemo upisati niti zidare, niti keramičare. To važi i za prva tri, gdje smo tako planirali da upišemo tehničara elektroenergetike i tehničara mehatronike. Zatim, poslovno-pravnog tehničara i turističkog tehničara, tako da ne obrazlažem dalje, imate to na svojim listama koje smo dostavili. Dalje, najčešće se postavlja pitanje, da li ove godine imamo prijedloga za uvođenje novih obrazovnih profila. Imamo, i to su dva prijedloga, kada su u pitanju tehničke škole. A to je tehničar mehatronike i stomatološka sestra-tehničar. Tehničar mehatronike, neki vjerovatno i prvi put čuju za to zanimanje. Da vidimo o kakvom se to zanimanju radi. Najlakše je to obrazložiti da je to kombinacija elektro, mašinske i informatičke struke. Da malo na jednom primjeru obrazložim. Ako bi smo htjeli da napravimo robota, trebalo bi da imamo i neka predznanja iz mašinstva, da se on može kretati, elektro struka bi doprinijela ugradnjom odgovarajućih elektro motora, senzora i slično a onda bi informatičari određenim programom dali mu onu umjetnu inteligenciju. Mislim da je ovo zanimanje upravo ono što su tražili poslodavci naše opštine. Drugo, novo zanimanje koje ćemo nastojati da uvedemo je stomatološka sestra-tehničar. Dakle, pored zubotehničke škole koju jedini imamo na kantonu, uveli bi i ovo zanimanje stomatološka sestra-tehničar. Napominjem samo da je ovo zanimanje uvedeno u prošloj godini, u Medicinskoj školi Tuzla, a zakon je nametnuo da svaka stomatološka ordinacija mora da ima stomatološku sestru. Što se tiče ostalih prijedloga ne bih ih ovdje posebno razmatrati nego bi se malo prebacio na stručne škole. Za razliku od prošle godine kada smo imali elektro mehaničara, ove godine smo uveli ponovo električara, da kažem jedno univerzalno zanimanje, a ostali su iz lepeze zanimanja koja smo do sada imali“

U diskusiji su učestvovali:

## **Ahmet Šakušić:**

„Mi u Klubu SDP-a smo razmatrali Plan upisa učenika u I razred Mješovite srednje škole Gračanica za školsku 2019/2020.godinu. Iako nisu uvaženi naši zahtjevi na prošlogodišnjem razmatranju Plana, a to je da se dostave ranije kako bi se mogli na vrijeme uključiti, vidimo i sami iz Izvještaja da je rok za Plan 31.3.2019.godine. Pred nama je vikend i to znači da su Planovi već predati Ministarstvu obrazovanja i nauke te Pedagoškom zavodu TK. Nadamo se da je adekvatno urađen i sačinjen u skladu sa potrebama poslodavaca koje su oni iskazali. Isto tako, kao što je direktor najavio, zabrinjavajuća je i činjenica da školsku godinu 2018/2019, završava 16 učenika manje u odnosu na 2017/2018.godinu. Iskoristio bih priliku i postavio pitanje direktoru, nije vezano za ovu tačku, a to je da li su i koje su mjere poduzete međuvršnjačkog nasilja za koje je u zadnje vrijeme u nekoliko navrata i medijski se pisalo o nemilim događajima koji su se dešavali u Mješovitoj srednjoj školi Gračanica?“

## **Mirsad Mujkić:**

„Evo i Klub vijećnika SDA je na svojoj sjednici razmatraro prijedlog Plana upisa učenika u I razred srednje škole za školsku 2019/2020.godinu. Mi mislimo da je ovaj Plan upisa realan i u skladu je sa potrebama tržišta rada i u skladu sa brojem učenika koji završavaju osnovnu školu na našoj općini. Naravno škola ima stručne kadrove za izvođenje nastave. Ono što bih malo, sugestiju jednu kazao je da u ovoj tabeli koju nam je dostavio predlagrač, možda ne bi bilo loše da još jedna kolona bude, pa da tu stoji broj učenika po odjeljenjima, koliko ste vi planirali. Da li je to 25 ili 30 i ovi što su po pola odjeljenja da li je to 15 ili više i manje učenika. Ono što je svakako zabrinjavajuće, ono što je moj predhodni kolega kazao, jeste popis iz Pedagoškog zavoda TK u kojem se vidi da broj učenika onih koji treba da budu upisani ove školske godine znači sve manji i manji što nije nimalo dobro. Evo gotovo 100 učenika manje nego predhodne školske godine. Naša općina takođe ima ovaj negativni trend, 16 učenika je manje, a s obzirom da dolazim iz osnovnog obrazovanja, nije ni tu situacija ništa bolja. Kako idu upisi u prve razrede, a i upisi iz razreda u razred primjetan je trend opadanja broja učenika. I nije samo u pitanju natalitet, nego veći problem je i u posljednje vrijeme izraženiji svakako odlazak kompletnih porodica, koji odvođe te naše potencijalne učenike. Mislim da svi zajedno moramo raditi na boljem ambijentu za ostanak tih porodica na našoj općini, u našoj državi“.

Odgovor na pitanja i sugestije dao je pomoćnik direktora Mješovite srednje škole Gračanica.

Zaključena je rasprava i Plan upisa učenika u I razred JU Mješovita srednja škola Gračanica za školsku 2019/2020.godinu je usvojen jednoglasno sa 28 glasova „ZA“.

## **TAČKA 9**

### **RAZMATRANJE I USVAJANJE PLANA UPISA UČENIKA U I RAZRED JU GIMNAZIJA „DR. MUSTAFA KAMARIĆ“ GRAČANICA ZA ŠKOLSKU 2019/2020.GODINU**

**Obrazloženje na Plan upisa dala je direktorica Gimnazije „Dr. Mustafa Kamarić“ Gračanica, Minka Kurtović:**

„Nakon što je izvršena rasprava na Nastavničkom vijeću. Nastavničko vijeće je dalo prijedlog prema našem Školskom odboru koje je dostavljeno i vama u materijalu. Naša škola Gimnazija „Dr. Mustafa Kamarić“ odlučila se ove godine da po oprobanom receptu kako je to

bilo i prošle godine, nemojmo mijenjati što je dobro, da zatraži da to budu dva odjeljenja Opće gimnazije i jedno odjeljenje Filološko-jezičke gimnazije i jedno odjeljenje Informatičkih tehnologija.

Za takvo što naravno mi imamo i argumente, a to je prevrstveno zainteresovanost učenika, u odnosu na predhodnu školsku godinu. U ovoj godini za razliku od prošle kada je upisano 66 upisa, upisano je 75 učenika. Dakle, imamo jedno poboljšanje.za ovakvu tvrdnju, upisa ovolikog broja učenika možemo kazati da imamo i prostorne kapacitete, a isto tako i kadrovski potencijal.Kada je u pitanju naš prostor mi ga imamo dovoljno, i treba kazati da dobro saradujemo sa Mješovitom srednjom školom, obzirom da smo dvije škole pod jednim krovom i da svoj prostor ustupamo i njima.Prošle godine imali smo 9 kabineta, ove godine Pedagoški zavod u nadzoru je odlučio da kao Kabinet primi još neke učionice tako da sada trenutno imamo 12 kabineta. Dvanaest kabineta dobro opremljenih a zanovljene opreme, takođe treba napomenuti da od tih 12 kabineta dva su proglašena laboratorijama.Dakle, to su izuzetno dobri uslovi za rad.Što se tiče kadrovskog potencijala, od 40 zaposlenih, mi imamo 12 profesora koji imaju zvanje mentora a i profesora koji imaju zvanje savjetnika. Dakle, jedan stručan kadar koji spreman da se uhvati u koštac, ne samo sa nastavnim planom i programom, nego isa učenicima. Stoga naš zahtjev smatramo opravdanim, a za sva dodatna pitanja ili željene informacije, izvolite, stojim Vam na raspolaganju“.

Učesnici u diskusiji su:

### **Almedin Devedžić:**

„Ja ću prije nego što iznesem određene stavove Komisije za obrazovanje Općinskog vijeća, iznijeti jednu konstataciju odnosno, nešto kao vijećnik u ovom Općinskom vijeću.Nisam htio da to kažem u okviru inicijativa pošto to nije ni pitanje ni određeni zahtjev, a tiče se našeg rahmetli borca, kad smo na početku opravdano proučili fatihu.Pošto dolazim iz MZ Lukavica, građani su me zadužili da iskoristim ovu priliku, da posebno u ime MZ Lukavica se zahvalim našem rahmetli Habibu Hadžiću zv. Habibčić, našem Zlatnom ljljanu koji je dao veliki doprinos u odbrani BiH, posebno MZ Lukavica.Nek mu je vječni rahmet i lahka zemlja bosanska.A sad bih nastavio u ime Komisije za obrazovanje.Mi smo se sastali i raspravljali povodom raznorazni stvari i između ostalog i o Planu upisa Gimnazije i Srednje mješovite škole.Htio sam da objedinim.Prije svega iznosim zaključke komisije.Mi smo raspravljali o tome i donijeli smo zaključak da prihvatamo ove planove upisa i da pohvalimo menadžmente i Srednje mješovite škole i Gimnazije na dobro urađenom poslu. Na kraju krajeva mi smo i navikli na njihov dobar rad i planirane aktivnosti, što pokazuje da su to ozbiljne ustanove i koje iskazuju iz godine u godinu sve veće uspjehe.Ali ono što želim posebno da istaknem, možda nije vezano za to, ali u pitanju su opet naša djeca a ima veze sa srednjom školom.To je problematika oko upisa djece u osnovne škole, a u pitanju su gradske škole,Napominjem da smo mi ako se ne varam prije možda godinu ili godinu i po dana donijeli zaključak jednoglasno gdje smo pozvali Ministarstvo obrazovanja, nauke, kulture i sporta TK da ispoštuje Zakon o osnovnom odgojnom obrazovanju koji reguliše aktivnosti oko upisa učenika u prvi razred osnovne škole.Zašto to? Zato što imamo sa terena određene zahtjeve, gdje se prilikom upisa učenika u prvi razred ponovo ne poštuje Zakon kojim se učenici iz određenih školskih područja upisuju u druge škole koje nisu u okviru toga.Dakle, imamo situaciju sledeću.Osnovna škola „Hasan Kikić“ je pretrpana, a Druga osnovna škola Gračanica je poluprazna.Te dvije škole su istog rejtinga, nema razlike u kvalitetu odgoja i obrazovanja, međutim OŠ „Hasan Kikić“ se susreće sa velikim problemima u organizaciji nastave kad su u pitanju smještajni kapaciteti, dok u Drugoj osnovnoj školi Gračanica pola smještajnih kapaciteta je prazno.I onda se susrećemo sa problemima kvaliteta nastave jer u odjeljenjima u OŠ Hasan Kikić ima po 30 i više učenika dok u odjeljenjima Druge osnovne škole imamo prosječan ili ispod prosječan broj tako da kvalitet obrazovanja po broju učenika samim tim ne može biti isti.Evo pozivam ponovo Općinsko vijeće da se obrati pažnja na tu problematiku i uputi ponovo zahtjev Ministarstvu obrazovanja, nauke, kulture i sporta da

ispoštujaju ono što smo do sada dogovorili a to je da se napokon poštuje problematika upisa u prve razrede, odnosno da se djeca koja gravitiraju područjem Hasan Kikić upisuju u tu školu, a učenici koji su na području Druge osnovne škole upisuju u drugu osnovnu školu. Time će mo izbjeći probleme, rasteretiti ćemo OŠ Hasan Kikić a iskoristiti ćemo sve ono drugo što nam se nudi u Drugoj osnovnoj školi. Evo ja još jednom pohvaljujem prijedloge koji su predmet razgovora, kao i da se od strane Općinskog vijeća poduzmu određene mjere kako bi smo riješili određene stvari. Mi smo također donijeli Odluku da na Komisiju pozovemo i direktore ove dvije škole i da se razgovara vezano o ovoj problematici“.

### **Vahidin Smajlović:**

„Evo moj kolega Šakušić je rekao da će Klub SDP-a podržati planove upisa naših škola za narednu školsku godinu i vidljivo je da zaista menadžment obje škole razmišljaju i dobro rade u smislu šta treba tržištu, da ima jedna saradnja sa našim Udruženjem poslodavaca i našim privrednicima jer džaba nam je da djecu školujemo ako sutra neće imati gdje da rade. Znači treba da pokušamo sve raditi da stvorimo takve uslove u školi i da takve smjerove napravimo gdje će ta naša djeca kada završe školu, moći da rade ovdje, da se upisuju na naše fakultete i da budu tu u Gračanici i da zaustavimo ovaj trend odlaska stanovništva iz BiH. Ono što je profesor spomenuo oko upisa dobro je, ali dobro je i da raspravljamo o problemima koji su u školi. Ponavljam dobro bi bilo zaista da mi prijedloge dobijemo ranije, da ova sjednica bude možda i mjesec ranije, da mi možemo raspravljati. Ali evo ako ste vi to usaglasili, vjerujem da je to najbolje. Želim da pohvalim zaista i izvještaj direktorice Gimnazije jer je on sveobuhvatan, dobar Izvještaj gdje vidimo da naši učenici pored toga što uče, znači stiču znanje, zaista uključeni su u sve aktivnosti na području općine Gračanica, obilježavanju svih značajnih događaja i naše općine i BiH, gdje gledamo u budućnost. I to je zaista dobro, jer učenici ne samo što stiču znanje, oni postaju odgovorne osobe prema lokalnoj zajednici i nadam se dobrim građanima ovog našeg grada i da će biti dobri studenti i ono sve u životu koji slijedi. Ono što bih htio, evo ako je to možda zbog velikog broja u Mješovitoj srednjoj školi, direktorici Gimnazije moj prijedlog. Dobro bi bilo u ovom Izvještaju koji je zaista sveobuhvatan, opširan i dobar, vidi se tu i rad i broj sjednica Školskog odbora Nastavničkog vijeća i slično, dobro bi bilo prikazati i jedan prosjek, uspješnost učenika Gimnazije. Ja znam da je to dobro i da smo mi jedna od najboljih Gimnazija u BiH, ali dobro bi bilo da imamo i taj podatak, pregled. Pa nedaj bože ako krene na dole, da znamo šta poduzimati, jer bi nam to bila dobra informacija“.

### **Demir Milkić:**

„Evo kolega Vahidin je to sve objasnio, ali ja samo da se vratim na prošlu godinu. Mi smo ovdje predlagali jedno AIT odjeljenje, kad je direktorica rekla, treba uraditi elaborat, da treba biti malo zainteresovanosti i evo nakon godinu dana došli smo do realizacije toga. Prepoznato je od strane lokalne zajednice i od Gimnazije da nam to treba, što je svakako za pohvalu i evo već je rečeno, mi u SDP-u ćemo podržati i puno sreće u daljem radu“.

Zaključena je rasprava i Plan upisa učenika u I razred JU Gimnazija „Dr. Mustafa Kamarić“ Gračanica za školsku 2019/2020. godinu je usvojen jednoglasno.

### **TAČKA 10**

### **RAZMATRANJE I USVAJANJE PLANA AKTIVNOSTI ZA IMPLEMENTACIJU PLATFORME ZA MIR 2018-2020. GOD.**

**U vezi ove tačke dnevnog reda Vijeću se obratila predstavnica PRO-BUDUĆNOST:**

„Projekat Pro-Budućnost je povjerenje i razumijevanje i odgovornost za budućnost i on je implementiran od strane CRS-a, zajedno sa partnerima u cijeloj Bosni i Hercegovini, a to su CARITAS BiH, Institut za razvoj mladih KULT, Forum građana Tuzla, Mostar, Banja Luka. Projekat se provodi u 73 lokalne zajednice u BiH i jedna od tih lokalnih zajednica je i Općina Gračanica koja je u Projektu PRO BUDUĆNOST od samog početka. Znači od I faze, to jeste od 2013. godine. I tokom ovih šest godina u Općini Gračanica se provodile mnoge aktivnosti u skladu sa inicijativama. Većina tih inicijativa je bila zajedno sa Opštinom Petrovo. Takođe, kada su bile poplave, Općina Gračanica je kroz male grantove, prošla kroz fondove CRS-a. Ove godine Projekat PRO BUDUĆNOST locira nekih milion dolara u narednih pet godina za mali poziv, za male grantove. Ove godine se prijavile mnoge institucije, neformalne grupe, kao i Općina Gračanica. Ja još želim da vam se zahvalim na tome i čisto da predstavim malo Platformu za mir. To je jedan dokument koji je nastao zajedno u saradnji sa više od 40 načelnika i gradonačelnika u BiH. To je deklarativni dokument koji poziva na zagovaranje i odgovornost trajno održivog mira u BiH, kako se nikad više ne bi ponovila ratna dešavanja. Platformu za mir su do sad potpisali 9 političkih stranaka u BiH, mediji, zatim razna udruženja žrtava rata iz F BiH i republike Srpske, zatim vjerski poglavari, kao i 73 načelnika i gradonačelnika iz lokalnih zajednica. Među njima je i gospodin Nusret Helić i ja bih ovom prilikom da vam zahvalim i da vam uručim zahvalnicu ispred projekta PRO BUDUĆNOST“.

Uručena je zahvalnica Općinskom načelniku.

#### **Za diskusiju se javio Ahmetović Halid:**

„Klub vijećnika je razmatrao Plan aktivnosti za implementaciju Platforme za mir 2018-2020, te će istu podržati. Podržava i provođenje aktivnosti koje su usmjerene na jačanje mira u Bosni. Platforma za mir je jako bitna da se provede, važna je ne samo zbog onih koji su preživjeli rat već zbog novih generacija koje su već izrasle i žele evo da grade bolju budućnost. Ona šalje snažnu poruku da narodi u BiH žele stabilan mir, kako bi mogli izgraditi bolje društvo te da se devedesete godine nikada i nikome ne ponove“.

Zaključena je rasprava i Plan aktivnosti za implementaciju platforme za mir 2018-2020. godine je usvojen jednoglasno.

#### **TAČKA 11 RAZMATARNJE I USVAJANJE IZVJEŠTAJA O RADU I FINANSIJSKOM POSLOVANJU SA BILANSOM STANJA I RAČUNOM PRIHODA I RASHODA, JU CENTAR ZA SOCIJALNI RAD GRAČANICA ZA 2018.GODINU**

**Obrazloženje je dala direktorica JU Centar za socijalni rad Jasminka Begović.**

Učesnici u diskusiji su:

#### **Šehić Edin:**

„Ja bih čestitao direktorici na Izvještaju i ono što bih htio potencirati i pitati je vezano za problem prosjačenja. Konkretno mislim evo na gradsku ulicu, ako bogda ulicu budućeg grada Gračanica. Kad nam dođu neki gosti ili neko ko nije bio i prvi put je u Gračanici mislim da nije lijepa poruka i lijepa slika da glavnom ulicom šetate a imate puno prosjačenja. Tako da bi evo zamolio i Centar za socijalni rad i nadležne službe da se pozabave tim pitanjem. Ja čak mislim da neki imaju i određena ovlaštenja za to da rade, ali evo potrebno je da se ta prosjačenja, bar iz onih urbanih dijelova, ja ne želim sad da atakujem na te ljude, vjerovatno je egzistencija, ali da se bar pokuša izmjestiti na neke

druge lokacije. Zaista bih zamolio da se djeluje u tom pravcu kako bi riješili bar uže jezgro grada sa tim problemom“.

**Alihodžić Nermina:**

„Mi u Klubu SDA smo razmatrali Izvještaj o radu i finansijskom poslovanju sa bilansom stanja i računa prihoda i rashoda JU centar za socijalni rad za 2018.godinu te ćemo isti podržati. Zaposlenici Centra za socijalni rad svakodnevno se susreću sa vrlo stresnim i odgovornim zadacima te se jako malo skreće pažnja na značaj koji imaju u društvu uzimajući u obzir sve okolnosti i težinu poslova koje obavljaju. Ja im čestitam na rezultatima koje postižu u svom radu uz poteškoće na koje nailaze u svom radu. Čestitam i direktorici na sveobuhvatnom izvještaju i želim puno sreće u daljem radu.“

**Topčagić Mirzet:**

„Klub vijećnika SDP-a podržat će Izvještaj o radu i finansijskom poslovanju JU Centar za socijalni rad za 2018.godinu. I evo ja bih u ime svojih kolega iz Kluba i u svoje lično ime, da se zahvalim direktorici i svim uposlenicima Centra na zaista dobroj saradnji u predhodnoj godini. Ja se nadam da će ta saradnja u budućem periodu takođe biti još bolja, pogotovo kada je u pitanju komunikacija između Vijeća MZ-a i Centra za socijalni rad, kada želimo da riješimo neke probleme koje imamo u svojim MZ-a“.

**Dedić Dino:**

„U ime Kluba Stranke za BiH želim da pohvalim ovaj Izvještaj i isti ćemo podržati, a takođe da ne izlazim, reći ću da ćemo podržati i sledeća dva izvještaja o radu i hvala vam na Izvještaju“.

Odgovor na sugestiju dala je direktorica Jasminka Begović.

Predsjedavajući Vijeća je zaključio raspravu i Izvještaj o radu i finansijskom poslovanju sa bilansom stanja i računom prihoda i rashoda, JU Centar za socijalni rad Gračanica za 2018.godinu je usvojen jednoglasno.

Predsjedavajući Vijeća je nakon toga dao pauzu u trajanju od petnaest minuta.

Nakon pauze, nastavku sjednice je prisustvovalo 28 članova Vijeća.

**TAČKA 12**

**RAZMATRANJE I USVAJANJE IZVJEŠTAJA O RADU I FINANSIJSKOM POSLOVANJU SA BILANSOM STANJA I RAČUNOM PRIHODA I RASHODA, JU BOSANSKI KULTURNI CENTAR GRAČANICA ZA 2018.GODINU**

**Obrazloženje je dao Nedžad Peljto direktor JU BKC Gračanica.**

Učesnici u diskusiji su:

**Alen Ibrišević:**

„Ja imam jedno pitanje za direktora. Naime, tamo u planu aktivnosti odnosno u Izvještaju o aktivnostima u prošloj godini prikazano je da je organizovano nekoliko koncerta ovdje u Gračanici. Kako sam upoznat jedan je bio na otvorenom a tri su bila sa naplatom

ulaznica. Ali u finansijskom Izvještaju, ne piše nigdje – prihodi od ulaznica za koncerte. Piše prihodi od kina i pozorišta, a prihodi od ulaznica ne pišu, pa me zanima zbog čega ti prihodi nisu prikazani i da li je bilo prihoda od tih koncerta?

**Odgovor je dao direktor JU BKC-a Gračanica Nedžad Peljto:**

„Koncertne aktivnosti koje smo organizovali su koncert Amire Medunjanin i koncert Van Goga. Mi ne pristajemo na fiksne ugovorne cijene. Kad razgovaramo, dogovaramo s menadžerima da mi obezbijedimo prostor i potrebna materijalna sredstva i organizaciju u smislu prodaje karata. Sav prihod od karata, koliki god on bio ide izvođaču, nama ništa ne ostaje. Ono što ostaje je događaj, odnosno taj koncert može da posjeti stotina gledalaca on će biti održan. Znači rizik, finansijski rizik preuzima druga strana. I po tom principu je organizovan koncert Amire Medunjanin i Van Goga. A što se tiče koncerta Halida Bešlića, tu je bilo drugih faktora, tu smo mi bili suorganizatori. Prodavali smo karte i pružali marketinšku podršku“.

**Vahidin Smajlović:**

„Evo mi u Klubu SDP-a smo razmatrali ovaj Izvještaj JU BKC za 2018. godinu i možemo reći da smo zadovoljni sa radom ove ustanove za proteklu godinu. Bilo je tu dosta kulturnih sadržaja, objektivnog informisanja što je naime i veoma važno. I vidimo da se i pozitivno poslovalo, znači ostvaren je neki suficit, znači nije bilo većih odstupanja po bilo kojoj budžetskoj stavci. I to je pokazatelj jednog dobro organizovanog rada. Ono što bih ja lično, vezano za ovaj Izvještaj sugerisao direktoru je, da u Izvještaju navedemo i sjednice Upravnog odbora JU BKC, da vidimo koliko ih je bilo i ko su članovi. Znači od prilike aktivnosti koje je imao Upravni odbor. A ovo sve ostalo je za pohvalu i čestitam vam još jednom, naravno da ostanete takvi i još bolji ako može“.

**Šehić Edin:**

„Evo ja bih prije svega čestitao direktoru BKC-a i naravno svim uposlenicima, sa kojima i ja lično imam izuzetno dobru saradnju i zaželio im puno sreće u budućem radu. Evo treću godinu u mandatu usvaja se ovaj vid Izvještaja i vidim da je iz godine u godinu sve bolje. I aktivnosti i bolji sadržaji što se tiče kulturnog života. Naravno, tu treba još dosta stvari da se poradi ali evo i ovo što ide uzlaznom putanjom svakako treba da se pohvali, da se istakne. Ono što sam ja primjetio gledajući finansijske pokazatelje jeste da grant od općine za kulturne manifestacije bio je planiran 50.000 a realizacija je bila 32.527,00 a s druge strane u rashodovnoj stavci imate iznos od 45.348,00 za kulturne manifestacije od Općinskog značaja. Ja ću se morati tako izraziti, ali mislim da ste oštećeni iz općinskog budžeta za ovu razliku, jer ako je kulturne manifestacije koje su trebale biti vama isplaćene iz budžeta, trebalo je da bude u cjelosti da možete pokriti svih ovih četrdesetpet. Ali dobili ste ništa onda. Sve je u redu“.

**Džebo Senahid:**

„Evo ja se neću baš vezati direktno samo za ovaj Izvještaj BKC-a, nego ću spomenuti i predhodni Izvještaj Centra za socijalni rad. U ovim izvještajima imamo stvarno velikih raznolikosti. U nekim izvještajima je navedeno i koliko ima uposlenika, koliko tamo imamo nadzornog i upravnog odbora, upravo ovo što je rekao Vahidin. Koliko je puta zasijedao i na kraju dobijemo ovakav Izvještaj. Izvještaj kao izvještaj je dobar, evo ja ne vidim, osim u onoj jednoj stavci, da u Radio Gračanici radi osam zaposlenih. Ali eto da se uvrsti poput Centra za socijalni rad, kao što je navedeno, koliko ima zaposlenika, ne mora biti imena to nas ne interesuje. Ali da se zna, koliko ima sa visokom stručnom spremom, toliko je ukupno

uposlenika, toliko je Nadzorni odbor imao sjednica, da ima malo sveobuhvatniji pregled, ništa drugo“.

Zaključena je rasprava i Izvještaj o radu i finansijskom poslovanju sa bilansom stanja i računom prihoda i rashoda, JU Bosanski kulturni centar Gračanica za 2018.godinu je usvojen jednoglasno.

### **TAČKA 13**

#### **RAZMATRANJE I USVAJANJE IZVJEŠTAJA O RADU I FINANSIJSKOM POSLOVANJU SA BILANSOM STANJA I RAČUNOM PRIHODA I RASHODA, JU DJEČIJE OBDANIŠTE „NAŠA DJECA“ GRAČANICA ZA 2018.GODINU**

U diskusiji po ovoj tački dnevnog reda učestvovali su:

#### **Demir Milkić:**

„U 2018.godini JU Dječije obdanište „Naša djeca“ bilo je upisano 183 djece, formirano je 9 odgojnih grupa. Važno je napomenuti da su sve odgojne grupe formirane po pedagoškim standardima i normativima. Takođe u pedagoškoj 2018/2019.godini uz saglasnost Opštine formirana je nova grupa Mješovitog uzrasta 3-6 godina gdje je upisano 22 djece u Centralnom objektu.

Važno je napomenuti i unapređenje uslova rada, kupovine televizora, novih posteljina, novog industrijskog šporeta, takođe obogaćena je i biblioteka, ali i važna je suradnja sa privrednicima koji su donirali za obdanište (Plamingo, Bos-Kom i ostali). Evo ovom prilikom i ja im se zahvaljujem što su društveno odgovorne firme.

Kako je vidljivo planirani su novi projekti u suradnji sa Opštinom i Ministarstvom obrazovanja.

Za kraj najvažnije finansijski izvještaj.

Krajem 2017., vidljiv je deficit od cirka 34 hiljade, a evo na kraju 2018.godine vidimo suficit od blizu 25 hiljada maraka. Ja bi svakako pohvalio menadžment ove ustanove na čelu sa direktoricom, vidi se da se ova firma digla na noge“.

#### **Džemal Jukan:**

„Evo u ime Kluba Stranke za BiH i mi čestitamo i na ovom Izvještaju i na uspjesima obdaništa, ali ja želim da uputim jednu kritiku. Naravno, ne njima, nego nama kao osnivačima obdaništa, a i načelniku kog smo ovlastili. Direktor obdaništa je prije godinu i po, promijenio dužnost otišao je na novu dužnost. I zaista da li treba godina i po da se postavi direktorica ili direktor u obdaništu. Vidite tamo iz Izvještaja, oni su to korektno napisali i kad je izašao mandat i Upravnom odboru, a kad je imenovan novi Upravni odbor. U jednom momentu ovo obdanište je radilo i bez Upravnog odbora i bez direktora, a mi smo odgovorni za to. I zato upućujem kritiku nama, a njima sve čestitke za njihov rad“.

#### **Saša Operhal:**

„Evo ja bih iskoristio priliku, a na sjednici Komisije za obrazovanje ja sam iznio svoj stav i svoje razmišljanje o obdaništu. Sad bih htio pred vama svima. Ja sam jedan od korisnika koji je koristio usluge obdaništa u periodu od deset godina.

I posmatrao sam znači i svoju i drugu djecu od uzrasta od godinu dana pa do polaska u prvi razred osnovne škole. I mogu da kažem da su dole fenomenalni ljudi u sad koliko toliko u dobrim uslovima. Kad su moja djeca bila dole, bili su poprilično loši uslovi. Ja bih apelovao na nas vijećnike ovdje da, koliko god je u našoj moći, izađemo u susret

uposlenicima. Da im proširimo kapacitete ako je to moguće, da im omogućimo da zaposle kadra koliko je to njima potrebno da rade sa našom djecom. Jer, vjerujte kad ostavite dijete od godinu dana, imate puno povjerenje da ostavite i drugo dvoje djece, da ne razmišljate gdje su, kako su, da li su nahranjeni, da li su čisti i slično. Dole ljudi rade jako težak i odgovoran posao“.

### **Almedin Devedžić:**

„Evo ja ću u ime Kluba SDA. Mi smo na Klubu raspravljali o Izvještaju o radu i finansijskom poslovanju JU Dječije obdanište „Naša djeca“ Gračanica za 2018. godinu i zaključili da je on napravljen dobro i želimo kao i ostale da ga pohvalimo. Naravno i direktoricu i njen rad, da nastavi s takvim aktivnostima. Posebno bih istaknuo aktivnosti oko ovih predškolskih aktivnosti, da se nastavi s tim aktivnostima. Možda jedna zamjerka, obzirom da mi je nekoliko zaposlenika koji to rade a znam da je problem oko angažovanja tih ljudi na sprovođenju aktivnosti oko obrazovnog odgoja u tom periodu, da se pokuša, da se s tim ljudima povećaju iznosi naknade, koji to rade. Mi znamo da je to problem, posebno kad je budžet u pitanju ali evo direktorici sugestija da se ti ljudi pokušaju stimulisati malo bolje, sa više novčanih sredstava kako bi kvalitetno odgovorio pozivu za koji su se na kraju krajeva i školovali. Još jednom, pohvaljujem Izvještaj i puno sreće i uspjeha u budućem radu“.

Zaključena je rasprava i Izvještaj o radu i finansijskom poslovanju sa bilansom stanja i računom prihoda i rashoda, JU Dječije obdanište „Naša djeca“ Gračanica za 2018. godinu je usvojen jednoglasno.

### **TAČKA 14**

### **RAZMATRANJE I USVAJANJE IZVJEŠTAJA O ODABIRU PROJEKATA PO JAVNOM POZIVU ZA OMLADINSKE I NEVLADINE ORGANIZACIJE**

Za diskusiju po ovoj tački dnevnog reda javili su se:

### **Alen Ibrišević:**

„Samo imam jedno pitanje, pošto tamo vidim da u Izvještaju imamo informaciju da dvije tri organizacije nisu našle za shodno da podnesu Izvještaj, da li će biti neke kazne prema njima, da li će moći i ove godine učestvovati na pozivu. Možda bi dobro bilo da mi kao Općinsko vijeće donesemo zaključak da one organizacije koje nisu predale Izvještaj, možda da u ovoj godini nemaju pravo da učestvuju na korištenju tih sredstava“.

### **Almedin Devedžić:**

„Evo ja ću u svoje lično ime kao vijećnik u Vijeću da pokušam da kažem par riječi vezano za aktivnosti i ove službe i ove misije i cilja svega ovoga. Drago mi je istaći, nadam se po podacima koje imamo Općina Gračanica je sigurno lider, kad su u pitanju projekti koje finansira Općina Gračanica, odnosno kojima se finansiraju nevladine organizacije, lider na kantonu, što mi je posebno zadovoljstvo. Kao sudionik aktivnosti oko određivanja i pregledanja tih projekata kao član komisije, evo ja i kolega Šehić, zajedno sa ekipom koja je imenovana, smo primjetili da Općina Gračanica svake godine pokušava da povećá iznos sredstava. I to je uspjelo da se stimulišu nevladine organizacije odnosno udruženja građana. Drago mi je što se svake godine povećava iznos, što oni koji sprovode ove aktivnosti su prepoznali kvalitet i snagu Udruženja građana. A ovom prilikom posebno želim da pohvalim i pozdravim prije svega i šeficu Almu Buljubašić kao organizatora, a posebno bih istakao i osobu koju sam upoznao tokom ovih aktivnosti i koja stvarno predano radi. Rijetko kad sam vidio osobu koja se dala tom poslu a to je naš

Erhad Brkić, kojeg želim da pozdravim i da mu čestitam na svemu onome što radi. Prije svega udruženjima i nevladinim organizacijama pomaže, sugeriše, pravi komunikaciju s njima. Nadam se da će nastaviti ovim tempom da radi i da će svi oni koji trebaju prepoznati njegov rad, to i učiniti. Još jednom želim da čestitam ovoj ekipi na dobro urađenom poslu. Evo slijedi novi poziv i nadam se da će udruženja građana i nevladine organizacije nastaviti sa aktivnostima i u svojim lokalnim zajednicama ostvarivati ono što su i do sad radili“.

**Topčagić Mirzet:**

„Evo pošto je jedno od ova tri udruženja koja nisu dostavila Izvještaj o utrošku sredstava i Udruženje iz MZ Soko, udruženje žena Gradina Soko, one su tek osnovane pa bih zamolio za jedno razumijevanje u njihovo ime. One su u komunikaciji sa Erhadom, Izvještaj će biti naknadno dostavljen. Zamolio bih da imamo razumijevanje prema njima i da ih ne sankcionišemo“.

**Općinski načelnik Nusret Helić:**

„Evo vezano za ovo Ibriševićovo pitanje ako ne dostave ove organizacije do ovog konkursa već po našim propisima ne mogu učestvovati u daljoj raspodjeli. Dakle, ovo udruženje i čini mi se radio amateri sa kojima sam se jutros čuo, ne mogu da zatvore neki projekat malo im je para pa se obratio s novim zahtjevom i svaki dan me zove da intervenišem iz ovih sredstava za ovu godinu, da bi mogao zaključiti projekat, pa da dostavi Izvještaj. Dakle, nije to ono potrošeno pa nemarnost, nego iz ovih razloga. U svakom slučaju ako ne dostave neće biti predmet raspodjele po javnom pozivu za sledeće“.

**Hadžić Nejra:**

„Samo želim ispred Udruženja Omladinskog kulturnog centra Bosna-Art da se zahvalim gospodinu Erhadu Brkiću koji nam je u svakom momentu izlazio u susret u realizaciji tog projekta“.

Zaključena je rasprava i Izvještaj o odabiru projekata po javnom pozivu za omladinske i nevladine organizacije je usvojen jednoglasno.

Sjednica je završena u 15,40 sati.

**ZAPISNIK VODILA**  
**Mevlida Naimkadić**

**PREDSJEDAVAJUĆI**  
**OPĆINSKOG VIJEĆA**  
**Nihad Krajinović**